

আশ্চর্য দৃশ্যমালা

এক। আপনার মদুখ আপনি দেখ

প্রায় এক যুগ পরে নিশ্চিন্ত রাতে মিতা আসে। বহুদিন বাদে এক অদ্ভুত স্বপ্ন দেখলাম, অথচ ওর স্মৃতি আমাকে তেমন যন্ত্রণা দিচ্ছিল না অনেকদিন ধরেই। তবে কেন এই স্বপ্ন? স্বপ্নটা খুব অদ্ভুত : স্থান ডালহৌসি কিম্বা কোন অফিসপাড়া। সদ্য আলো জ্বালা মোহিনী রাত সবে প্রসাধনপট্টরসী হয়ে উঠতে শুরুর করেছে। অথচ এমন একটা মন খারাপ করা সন্ধ্যা আর ডিপ্রেসিং আবহাওয়া, কি বলব। শহরে বড় ধরনের কোন গণ্ডগোল হয়ে যাওয়ায় রাস্তায় লোকজন কম। বাসটাস নেই বললেই চলে— তার মধ্যে হিমেল হাওয়া আর গর্গড়ো গর্গড়ো বৃষ্টি। হঠাৎ মনে হল একটা অদ্ভুত সুসজ্জিত গোলমতন গুদামঘরের ভেতর বসে আছি— কোনখানে কোন জানালা নেই তাতে। অবশ্য দেয়ালে সার্টা ওয়ালপোস্টার আছে— একটার ঘন জঙ্গল, আরেকটার নীল আকাশে অনেক উঁচু দিয়ে একঝাঁক সাদা পাখী উড়ে যাচ্ছে— এইসব। মনে পড়ে গেল, সেইদিনই সকালে কি একটা ঘটনায় আমি হঠাৎ নবাব বনে গেছি। (হয় লটারী, নয় কোন বিদেশী কোম্পানীতে এক্কেবারে বড়সাহেবের চাকরী যেখানে ডুলারে মাইনে হয় কিম্বা হয়তো সিনেমার জন্যে লেখা আমার স্ক্রিপ্টটা খুলোয় ভর্তি হয়ে আছে তার জন্যেই এন. এফ. ডি. সি.-র কল্যাণে আমার ভাগ্যে বিশ পঁচিশ লাখ টাকার শিকে হিঁড়ে গেছে।)

এমন সময় উর্দুপরা একজন আদালীমতন লোক আমাকে সেলাম দিয়ে গেল “হুজুর মেমসাহেব এসে গেছেন”। আমি খুব নির্লিপ্ত গলায় হুকুম করলাম তাকে নিয়ে আসতে অথচ কোন মেমসাহেবেরই তো আসার কথা ছিল না। বলতে না বলতেই মিতা এল— পরনে একটা আগুন রঙের ছোট হাতা স্কার্ট, হাঁটু পর্যন্ত লম্বা ঝুল, তাতে সাদা, বড় বড় পোল্কা ডট। (আসলে সাজপোশাকে ও বরাবরই খুব কনজারভেটিভ লম্বা ব্লাউজের হাতা, শাড়ি পরে আমার ফুলমাসীর মতন তাতে এতটুকু শরীর দেখা যায় না। আশংকা করি আজো ওর এমন বেশবাসই অক্ষয় হয়ে আছে— কিন্তু স্বপ্নে দেখলাম আগুনরঙা স্কার্ট!) ওর চেহারা সেই প্রথম দেখার মতন— রূপ যেন ভয়ংকর ঝলসানো আগুন হয়ে জ্বলছে। আগের চেয়েও অনেক সুন্দর, আশ্চর্য শরীর। লম্বাটে তীক্ষ্ণ

মুখে অশ্রুত সুন্দর চোখ, ধনুকের মতন জোড়া ভুরু তলায় প্রখর দৃষ্টিতে চেয়ে আছে। সেই প্রখর নাক আর ঈষৎ পুরু গোলাপী ঠোঁট। ও ঠিক সেইরকম করে ঠোঁট ওলটালো যেমন করে ওলটাতো প্রথম দেখার সময়ে (আর কি সুন্দর লাগত এই ঠোঁট বেকান, তাই যখন তখন খ্যাপাতাম ইচ্ছে করে)।

হঠাৎ মনে হল কখন বাইরের রাস্তায় চলে এসেছি— দৃজনে হাঁটতে শুরু করেছি একসাথে। খেন কালই দেখা হয়েছিল, তারপর আজকের এই মোলাকাং। মাঝখানের একটা যুগ বিস্মৃতির অতুল খাদে তলিয়ে গেছে। ভীষণ ঠান্ডা গলায় আমাদের কথা হিচ্ছিল নারীপুরুষ সম্পর্কের ব্যাপারে— খুব থিওরিটিকাল লেভেলে।

ওর বক্তব্য বলতে বলতে দারুণ ফুটে উঠেছিল মুখে চোখে :

(১) জীবনে প্রেম ট্রেম বলে কিছুর নেই— সব ফিজিক্যাল ব্যাপার। নারীপুরুষ সব সমান এ ব্যাপারে— কিন্তু পুরুষদের মাতৃস্বারি আর মরালাইজিং অসহনীয়।

(২) পুরুষরা আসলে বেসিকালি ভণ্ড এবং ইমপোটেন্ট অথবা কাপুরুষ।

(৩) পুরুষদের এই মেকানিক্যাল ব্যাপার যাকে ন্যাকামি করে ‘প্রেম’ বলা হয় তাকে এক্সপ্লয়েট করতে না পারলে মেয়েদের ডিগনিটি নিয়ে বাঁচা অসম্ভব ইত্যাদি।

বলতে বলতে একটা রহস্যময় গলির সামনে এসে দাঁড়ায়— সেখানে আলকাত্তার মতন অন্ধকার— কিছুর দেখা যায় না। এক মিনিট নিঃশব্দ অলপাতার স্বেপাই-এর মতন দাঁড়িয়ে আছি— দাঁড়িয়ে থাকতে দেখে মিতা আবার ঠোঁট ওলটায়— ‘কি হল ভাল ছেলে, এবার বাড়ী যাও।’ আমি নড়তে পারি না। ও আবার কড়া গলায় হুকুম করে ‘কি হল, কথা কানে যাচ্ছে না।’ বলতে বলতে চোখে ঝলসে ওঠে শাসনের দৃষ্টি। আমি কিছুরেই নড়তে পারি না দেখে বোধহয় দয়া হয়। ‘তুমি না...বলুন মুশকিল করলে। জান, তোমাকে তো আমি কিছুর দিতে পারব না। এক কাজ করতে পার... তুমি রোজ এইসময়ে, আজ যেখানে দেখা হল... ওইখানে এস। আমার সঙ্গে তুমি এইটুকু রাস্তা হাঁটতে পার রোজ।’ বলতে না বলতেই সে অন্ধকারে মিলিয়ে যায়।...

বাগ্ম্যানের কাঁচা সংস্করণ— সূর্যর বক্তব্য,

সিনেমাটিক্যালি দারুণ— ভাস্কর বলল। স্বপ্নটা যখনকে বলতে হবে। সতু এবং কয়েকজনের মতে যতই ম্যাজিকিস্ট হই না কেন, আসলে আমি একটা মেল শাভিনিস্ট। আমাকে বাদ দিয়ে মিতার সুখী জীবনযাপন আমি দুঃক্ষেপে সহিতে পারি না। আসলে তো দেশে ফেরার পর ১ স্বামী ২ সন্তান ও ১ গ্রাম্বাসাভার গাড়ী (তখনো মারুতি আসেনি) সহযোগে ও বেজার সুখেই আছে। সুখী গৃহকোণ শোভে গ্রামোফোন, শোভে গ্রামোফোন, শোভে গ্রামো—।

অথচ গতরাতেই কালীর পায়ে মাথা রেখে অনেকক্ষণ মিতার মঙ্গলকামনা করলাম

(হায়, আশৈশব আমি মার্কসিস্ট বলে সবাই জানে । রেগে গেলে বাবা বলত ‘মার্কসিস্ট’) তবে কেন শিয়রে রাখা কালীর ছবিটা সরাতে পারলাম না ।) দি টেরিবল মাদার, তুমি আমাদের রক্ষা কর । আমি তো কোন ছার । মানিক বাড়ুজ্যে আর ঋত্বিক ঘটকও তাই করত । বাঃ মানিক আর ঋত্বিক । বেশ কনিভিনিয়েন্ট উদাহরণ তো । আর সেই পারা ওঠা ঠাকুরদির আমলের গোল আয়নাটা— তাকেও সরানো গেল না । সেখানে আমার বিচিত্র মদুখের চেহারা আমাকে ভেঙাতে থাকে প্রায়শই । আমি চোখ বঁজি, দেখতে চাই না । তবু চোখ বঁজলেও দেখতে পাই নিঃসীম শূন্যের এক গোল গর্ত, পারা ওঠা সেই গর্ত চক্‌চক করে উঠে দেখিয়ে দিচ্ছে— এই দ্যাখ্‌ তোর মদুখ, এইটা । এইটা তোর নাক, এইখানে একটা আঁচিল আছে আমি চীৎকার করে উঠি ঘুমের ভেতরে না না এটা আমার মদুখ না, চোখ না, আমার ছবি না ।

In the crossways of kisses

Years pass too quickly—

Shattered memory

Beware, beware, beware.

দুই । ডাইরী অফ এ জিনিয়াস

আসলে আমি একজন আদ্যন্ত ম্যাজিকিস্ট— এমন ধরনের সেই অনেকট ম্যাজো-কিজম্‌ যা জনান্তিকে, ফিসফিস গোপনীয়তার শিহরণে তারিয়ে তারিয়ে গা শিরশিরিয়ে উপলব্ধি করার ভেতরে একটা বিকট মজা আছে— এমন সেই মজা যা তাড় তাড় পুরুষান্বিতরাও মস্তিষ্কের কোন গোপন অন্ধকারের তাড়নায় মন্দ রেলিশ করে না— কিন্তু প্রকাশ্যে ? ধরণী দ্বিধা হও ! কানের ভেতরে যেন গরম সিসে ঢেলে দিচ্ছে কেউ অথবা ফুটন্ত আলকাতরায় চোখ অন্ধ হয়ে গেলে যেমন হয় তেমন— যেমন লজ্জা হয়েছিল একবার ছোটবেলায়, কিন্তু সম্পূর্ণ অন্য প্রসঙ্গে আর লজ্জার বিষয়বস্তু কিন্তু আমি নয়— আমার বাবা । আমাদের পুরনো ভাড়াবাড়ির পেছন দিকে একটা খোলা বারান্দা ছিল— টানা । পেছনেই খুব উঁচু পাঁচিল আর ওধারে বিশাল খেলার মাঠ । সেখানে বল পেটাপেটি হত সারাক্ষণ আর প্রায়ই ফুটবল এসে পড়ত আমাদের বারান্দায়, বাবার শখের টবের ফুলগাছ তখনছ করে দিত । আমি তখন খুব ছোট আর তখনকার ছেলেছোকরারাও এত মস্তান বা বীর হইনি এখনকার মতন । বল ফেরত পাবার জন্য প্রায়ই দেখা যেত পাঁচিলের ওপর লাইন করে বসা ছেলেছোকরার দল আর রক্তচক্ষু বাবা তাদের ভীষণ ধম্কে যাচ্ছে অনর্গল ।

একদিন বল লেগে জানালার কাচ খানখান আর তাই শব্দ হচ্ছে প্রায় লংকা-কাণ্ড । কাঁচুমাছু ছেলের দল পাঁচিলের ওপরে বসা কোলাব্যাঙের মতন, বাবা ভয়ংকর

গলায় ধমকে চলেছে আর এককোণে আমি ইয়ো ইয়ো খেলছি আপনমনে ।

হঠাৎ বাবা লাঠি নিয়ে খাট থেকে লাফিয়ে উঠতেই এক ঝাঁকুনিতে লুঙ্গি খুলে মাটিতে লুটোপুট, ভেতরে কিচ্ছদু পরা ছিল না, একদম । এক সেকেন্ড নীরবতার পরেই প্রচণ্ড আকাশ ফাটানো সমবেত অটুহাসি আর ধূপধাপ করে হনুমানের লাফ “দাদু ল্যাং ল্যাং দাদু ল্যাং ল্যাং” । কেন জানি না ফুঁপিয়ে ফুঁপিয়ে কেঁদে উঠেছিলাম খাটের বাজু ধরে । অনেকদিন বাবার হাত ধরে বেড়াতে বেরুলে চোখমুখ শিঁটিয়ে বৃজে থাকতাম— ওরা যদি কেউ ধারে কাছে লুকিয়ে থাকে । সেইরকম লজ্জা ছিল অনেক পরে, যদি আমার হলদেটে, একান্ত নির্জন, নিষিদ্ধ ডাইরীটার গোপনীয়তা ফাঁস হয়ে যায় । অথচ তখন আমার, যাকে বলে ফর্ম্যাটিভ স্টেজ । রোল অফ্ লেবার ইন দি ট্রান্সমিশন ফ্রম এপ টু ম্যান পড়া হয়ে গেছে বার চারেক । স্টেট এ্যান্ড রেভোলিউশন আর অরিজিন অফ ফ্যামিলি ইত্যাদি নিয়ে হাতাহাতি চলছে সকাল বিকেল । ‘হারানের নাভজামাই’-এর স্ট্রীট ড্রামায় আমাদের হাততালি জুটেছে মন্দ না । এই সময়েই একদিন সুধীরদার মুখ বেজায় কাচুমাচু । সদ্য বিয়ে করেছে অল্প বয়সে পার্টির মেয়েকেই । ফলে বাড়ি থেকে খেদিয়ে দেবার পর কোন এক মেসে জুটেছে তারা অবশ্যই অন্য সব দাদাদের (অর্থাৎ বড় কমরেডদের) সাহায্যেই । শিগগীরই বাচ্চা হবে সুধীরদার বোঁ-এর । কিন্তু কি সর্বনাশ ডেট দিয়েছে নাকি দোসরা অক্টোবরেই— গান্ধীজয়ন্তীতে । ভাবা যায়, সুধীরদার ছেলে (কমরেডরাও ‘বাচ্চা হবে’ বলত না, বলত — এখনো বলে কিনা জানি না— ‘ছেলে হবে’— তবে এখন অবশ্য শোনা যায়, সেক্সের ক্লাশ ক্যারেটকার নিয়ে অনেক কাজকর্ম হচ্ছে)— সুধীরদার মতন বিপ্লবী, তার ছেলে হবে কিনা ওই গান্ধীর জন্মদিনে । তার ওপর ‘বৃটিশ সাম্রাজ্যবাদ ও গান্ধী’ নিয়ে সুধীরদার লেখা দারুণ হৈ চৈ ফেলে দিয়েছিল তখন । সত্ত্বা মুখ টিপে খ্যাক খ্যাক করে হাসে । আরে দোসরা অক্টোবরে আরো একটা দিন আছে । চীন বিপ্লবের তারিখ সব ভুলে গিয়ে দিলে ? আমরা হাঁপ ছেড়ে বাঁচি । কিন্তু আমার আতংক থেকে যায় । ভার্গ্যাস দোসরা অক্টোবরে । যদি মুনসোলিনির জন্মদিনে ব্যাপারটা হত ? আচ্ছা সুধীরদার বোঁ শুনতে পেলে কি ভাববে ? আমাকে তেড়ে মারতে আসবে না এইসব ইয়ার্কি শুন ? ভাবতেই কেমন গা শিউরে ওঠে । অদ্ভুত সেই আতংক আর কোথায় সেই আতংকের ভেতর একটা গোপন সুখের শিহরণ আছে কেননা সুধীরদার বোঁকে দেখলেই আমার মনে পড়ে যায় ছোটবেলায় ইংস্কুলের অপর্ণাদি— কি অদ্ভুত মিল হাঁটাচলায়, শরীরের গড়নে । ...অনেক পরে আমার ডাইরীর অংশবিশেষ সিনেমার স্ক্রিপ্ট করেছিলাম । আমার কাকাবাবু— বিশ্ব-বিখ্যাত পরিচালক— ধৈর্য ধরে শুনিয়েছিলেন । নিজের জুলিপিতে মোলায়েম করে আঙুল ঘষতে ঘষতে (ওটা তাঁর একটা ম্যানারিজম্ ছিল) চোখ বৃজে বলিয়েছিলেন “বেশ একটা খাঁচা আছে কিন্তু... অন্যরকম । ভেবে দেখ, দারুণ সুদরিয়ালিস্ট ছবি হতে পারত কিন্তু । তবে কি জান, এদেশে ম্যাজোর্কিজম ইজ নট ইন ফ্যাশন । খাবে না... খাবে না ।”

আসলে ওটা আমার একটা রোগ, একটা যন্ত্রণা যা কুরে কুরে খায়। হায়, আমার মনোবিকলনের তীব্র যন্ত্রণা লাঘব করতে চাইলেও কোন ডাক্তার দেখাতে পারি না কেন? সন্ধ্যারদা (সব খুলে বলিনি অবশ্য সন্ধ্যারদাকে—পাগল?) অবশ্য একজন নামকরা মনোবিজ্ঞানীর কাছে পাঠিয়েছিল। দোরগোড়া থেকে ভয়ে পাঠিয়ে এসেছিলাম, কেননা আবিষ্কার করেছিলাম, উনি আমাদের কেমন কেমন যেন আত্মীয় অথবা বাবার বন্ধুর বন্ধু—পাগল, আর যায় কেউ ওখানে? শিশির অবশ্য আমাকে বড়দাদার কাছে নিয়ে গিয়েছিল। নিজের চেষ্টা করে অনেকক্ষণ তিনি সব শুনিয়েছিলেন। ফীস্ নেননি—দীর্ঘস্বাস নিয়ে বলেছিলেন, “কি মূর্খাকল জ্ঞান, ওটাতো তোমার রোগ নয় ওটা যে তোমার স্বভাব।” সেদিন নিশ্চিন্ত রাতে আমার কাঁপুনি দিয়ে জ্বর আসে। হলদেটে নিষিদ্ধ ডাইরীটা অনেককাল বাদে অলপ্য কোন নির্দেশে খুলে বসতে হয়। নিজের, একান্ত কথা, শব্দ কথার আঁচড়, আঁচড়ে কামড়ে আঁতর্ষ করে দিতে দিতে স্পষ্ট হয় অনেকদিনের পুরনো সেঁপায়া কালারের বিবর্ণ ছবির মূখ। সেই প্রতিমার মতন লম্বাটে ভরাট মূখ। মহিষাসুরমর্দিনীর মতন তেজী, খজর শরীরের বানধন। খন্দকের মত জোড়া ভুরুর তলায় বিশাল একলোড়া চোখ অসম্ভব কালো—অন্ধকারেও যেন ধকধক করে জ্বলে। তীক্ষ্ণ ঈগলপাখীর মতন নাকে ডালিমরঙের টুকটুকে নাকছাঁবি আলো করে আছে। ঈষৎ পুরুর ঠোঁট পানখাওয়া লাল। একটু ঠোঁট খুললেই ঝকঝকে দাঁত বিলিক লাগায়।

এ মা গায়ের রঙ কি কুচকুচে হয়ে উঠেছে। আর কি যেন মাখা মুখে, গর্জনন্তলের মতন, তাতে মাখনের মত গলে গলে পড়ছে কালো রঙের মহিমা। শেষ বিকেলের পড়ন্ত আভা এসে পড়ছে মুখে। আমাদের বিশাল ছাত্তের সবুজ শ্যাওলাধরা ক্রিকেট পিচের আলো রোদ গাড়িয়ে শেষ বিকেল পেরিয়ে নিবু নিবু করছে। একটা দমকা হাওয়া উঠে আমার খোলা পিঠে সূঁড়সূঁড়ি ধরিয়ে দেয়—কি গুঁমোট গরম গেছে দিনটার। সূঁড়সূঁড়ি ধরানো হাওয়ায় অজানা আতংকের ইঙ্গিত যেন শিউরে শিউরে ওঠে আমার সারা শরীরে। পালকছাড়ানো মুরগির মতন নিরালম্ব, তীব্র আতংকের অনর্ভূতি হয়। আজ ঠিক দেখে ফেলেছে, দেখে ফেলেছে... এতদিনের ভয়ংকর কেলিংকারী। ছাত্তের চিলেকোঠার পেছনে অনেক বছরের পুরনো সব মূর্তি—কোনটা নাকভাঙা, রঙটো কোনটার হাড়গোড় বেরিয়ে আছে। যাই যাই করেও টিকে আছে তারী—খেয়াল করে আর বারোয়ারী পুজোর ভাসানে দিয়ে দেওয়া হচ্ছে না কোনবারই। বাড়ীর পুজোর মূর্তিই সব। কোনটা লক্ষ্মী কোনটা সরস্বতী। পুরনো নিয়ম অনুযায়ী কারুরই বিসর্জন হওয়ার কথা নয়। আমার সবচেয়ে আদরের সরস্বতী প্রতিমা, গত বছরের আগের বছর এসেছিল, প্রায় আমার বৃক সমান উঁচু। এখনো কি তার জেল্লা। সব ক্লাশ নাইন চলছে—অর্থাৎ তখনকার হাস্যর সেকেন্ডারীর প্রথম ধাপ। তাই সরস্বতীর প্রতি আনুগত্য সবচেয়ে বেশী হবার কথা। তার ওপর সায়েন্স স্ট্রীমের প্রথম চালু হওয়া বিকট বিকট অঙ্কের

আতংক। প্রথম ঘেবার মাটিছোঁরা প্রণামে আনুগত্য স্বীকার করেছিলাম ওই সরস্বতীর কাছে স্পষ্ট দেখতে পেয়েছিলাম অসম্ভব ফর্সা পায়ের নীলচে শিরা নিঃশ্বাসের মতন ওঠানামা করছে। সেই দৃশ্য দেখে ঘুমোতে পারিনি সারারাত, প্রবল উত্তেজনায়। পুজো শেষ হয়ে যাবার অনেক পরেও যতবার ছাতের ওই সরস্বতীর কাছে গেছি ততবারই অস্পষ্ট অনুভব করেছি অপসূর্যমান কোন পমেটমের গন্ধ, লুপ্ত মাথাঘষার সৌরভ। কিংবা সুগন্ধি নিঃশ্বাসের হাওয়া। আশ্চর্য চোখ দুটো যেন হাসছে। কখনো আবার বিশেষ বিশেষ মনুহুতে কাম্পিত হয় তার ভুরু, প্রবল শাসনেই দৃষ্টি প্রখর হয়ে ওঠে চোখে। আমি সইতে পারি না, আত্মি আনুগত্য স্বীকার করি, জন্মজন্মান্তরের দাসত্ব প্রার্থনা করি সঙ্গে সঙ্গে। আরো কাছে আরো কাছে এগিয়ে এলে অদ্ভুত রহস্য রোমাঞ্চ হয়। আতংকের আর কোন গোপন সুখের তীর অনুভূতি আমাকে ফালা ফালা করে দেয়। আমি তার গালের কাছে আসতেই বীণা ধরা হাতের উদ্ভূত বাহু তীর শাসনের হুকুমজারী করতে থাকে। আর তক্ষুনি আবার খিলাখিলে হাসি শুনতে পাই “কি বোকা তুই, কি ভীতু, ভীতুর ডিম।” আমি সাহস করে এগিয়ে যেতে যেতেই লজ্জায় ভেঙে পড়ি ছিঃ ছিঃ কি পাপ, আমার পাষাণ্ড আচরণে সরস্বতীর ঠোঁটের চটা খুলে খুলে পড়ছে। আর তক্ষুনি, আমাদের চিলেকোঠার ভাড়াটে মালীকন, পাড়ার ইষ্টকুলের দোদাঁড়প্রতাপ হেডমিস্ট্রেস অপর্ণাদির সদ্য বিকেলের গা ধোওয়ার পরে তোয়ালে দিয়ে ভিজ়ে চুল আছড়ানোর শব্দ আসে। আমি মরমে মরে যাই। দীর্ঘনিশ্বাস ঠিক দেখতে পায়। শেষ বিকেলের নিব্ব নিব্ব আলোয়, অসম্ভব সাদা অর্থাৎ শ্বেতশুদ্ধ আমার রূপসী দেবীর ব্যাকগ্রাউন্ডে এ কি দৃশ্য। কালো ব্রোঞ্জের মূর্তির মতন মহিষাসুরমর্দিনী। খোলা চুল, চুড়া করে বাঁধা হল টানটান— অসম্ভব টাইট। এত টাইট যে টনটন হয়ে ওঠে গলার রং, কানের লতি। ভিজ়ে দু-একগাছা চুল কানের পাশ দিয়ে লতিয়ে আছে — সেখানে মূর্ত্তোর মতন টলটল করছে একবিন্দু জল। কান দুটোই যা বিস্ত্রী দীর্ঘনিশ্বাস। বিগাল, পুরু আর ভারী, উল্টানো খণ্ডতর মতন— গায়ের রং কুচকুচে হয়ে উঠেছে কানের প্যাঁচের গভীরে— কেমন নিষ্ঠুর লাগে ওই জায়গাটায়। গালের কালো তিলটা খুব স্পষ্ট হয়ে উঠতে টের পাই আরো কাছে আরো কাছে চলে আসছি দীর্ঘনিশ্বাস। লাল কস্কা পাড় তাঁতের শাড়ীটা পরে আছে আর দুধসাদা ছোট হাতা ব্লাউজ টানটান করে ফুটে উঠেছে উদ্ভূত বাহু— বাহুদ্বয়ের অন্ধকার রেশমী কোমলতার কম্পনাতেও কেমন শিউরে উঠতে হয়। কাছে আসতেই খুব চেনা সেই গন্ধটা নাকে আসে পাউডার আর জর্দা পানের গন্ধ, লালনীল পোন্সলের গন্ধের গন্ধ আর বাটার জ্বতোর ছাপ দেওয়া চক্কেলে হলেদে স্কেকলের সৌন্দর্য গন্ধ— আদরের গন্ধ, শাসনের গন্ধ, শাস্তির গন্ধ।

ঈষৎ পুরু, অগপ ঝোলা ঠোঁটে একটা রহস্যময় হাসি ফুটে উঠতেই স্পষ্ট হয় ঝকঝকে গজদাঁত। আমার কান্না পায়— লজ্জায়, ভয়ে।

দিদিমণি ভারী ভিজে ফিসফিসে পুরুষালী গলায় ধমক লাগায় “ইস্ খব যে ভক্তি সরস্বতীর আর ওদিকে যে সেকেন্ড টার্মিনালে অঙ্ক পাঁচ পাওয়া পরীক্ষার খাতাটা আমার চালের ফোকরে লুকিয়ে রেখেছিস সে কথা কেউ জানে?” আমি চমকে উঠি। আমার দেবী, আমার সরস্বতী দূরে দাঁড়িয়ে ভেংচ কাটে। “কেমন, এখন কেমন?”

আমি ক্রীতদাসের মতন দিদিমণির মুখের দিকে তাকাই। অনেক কণ্ঠে হাসি চাপাঠেট দেখতে পাই। শান্তির হুকুম পাবার আগেই সম্মোহিতের মতন দিদিমণির পায়ের কাছে নীলডাউন হই। ততক্ষণে কালো পায়ের অদৃশ্য আলতা স্পষ্ট হয়ে ওঠে, সেইখানে মুখ রেখে হু হু করে কাঁদতে ইচ্ছে হয়। দিদিমণি আলতো হাতে কান মূলে দেয়। সেই সন্ধ্যা থেকেই বশ্যতাস্বীকার করতে হয়েছিল অপর্ণাদির শাসনের সাম্রাজ্যে। সারা সন্ধ্যা অঙ্ক পরীক্ষা নিয়েছিল দিদিমণি। তারপর রাতের খাওয়া শেষ হলে চিলেকোঠায় আবার ডাক পড়েছিল। তখনো কেন জানি না ইস্কুলের দিদিমণির মতনই সাজ পরা ছিল। সেই তাঁতের শাড়ী কল্কা পাড়, সাদা ব্লাউজ আর কাঁধে রুচ আর উঁচু চুড়া খোঁপা। হাটকা সেন্টের গন্ধ, ঘেরা দেওয়া টেবল ল্যাম্পের আলো আর ডালিমরঙা নাকছাবির বলসানিতে অদ্ভুত লাগছিল। আমি আমার শ্বেতশুভ্রা দেবীর নাম জপ করতে করতে আবার নীলডাউন হয়েছিলাম। আমার কি শান্তি হয়েছিল তা অনেক কণ্ঠ করেও স্মৃতির স্টুডিও থেকে আর উদ্ধার করতে পারিনি। কিন্তু ওই শারীরিক শান্তির চাইতেও আজো দগদগে হয়ে আছে আমার নীলডাউন হওয়া ছবি, দিদিমণির কোলের ভেতর গোঁজা থুতনি। আর একটা আদরের হাত আমার সারা শরীর বুলিয়ে দিচ্ছে, আমার মুখ চেপে ধরেছে দিদিমণির কোল, আমার নাক ছুঁয়ে যাচ্ছে ভেলভেটের মতন নরম পেটের ভাঁজ আর এই প্রথম— আমার দু-গাল জোর করে চেপে ধরে আমার ঠোঁটে, আমার কান্নাবরা ঠোঁটে...। উঃ কি ভয়ংকর সেই শিহরণ, যেন গরম সীসে ঢেলে দেয় কেউ, অন্ধ আলকাত্তরায় চোখ অন্ধ হয়ে যায়। হয় আমার শ্বেতশুভ্রা, এই ছিল তোমার মনে?

তিন। আশ্চর্য তারা

“এই শোন না, পঁচাত্তর বছর পরে সেই আশ্চর্য তারাটা নাকি দেখা যাচ্ছে রোজ শেষরাতে...শোনই না— তুমি তো ভারী বেরসিক দেখছি!”

আমরা দেখতে পাব না? চল না ওখানে যাই।”

“ওখানে? ওখানে বোধহয় যাওয়া যায় না সশরীরে। লুই আর্মস্ট্রং গিয়েছিল একবার, তবে সেটাতো আরো অনেক কাছাকাছি।”

“মহাপাজী দেখছি। ওখানে যেতে বলোছি নাকি? বলোছি, চল না কোথাও যাই

শেষরাত্তর আকাশ দেখবার জন্য ।”

মিতা এবার আমার হাঁটুতে সজোরে ধাক্কা লাগায়। আমার অন্যমনস্কতার বিরক্ত হয়ে এমন একটা আলটিমেটাম লাগায়...।

“দাঁড়াও, বলে দিচ্ছি তোমার পার্টির বড় কমরেডদের, তোমার ঘরে শিয়রের কাছে একটা বড় কালীর ফটো আছে এখনো ।”

আমি শিউরে উঠি এই অভিনব বদমায়েসীতে। মিতা আবার ঠোঁট ওলটায়— সেই গোলাপী ঠোঁট, ভারী মজা লাগে। “আসলে কি জান তো, যেতে ইচ্ছে করে অনেক দূরে। ফার ফ্রম দি ম্যাডিং ক্লাউড। নির্জন সমুদ্রের তীরে, কোন বালিয়াড়ির ওপর কিম্বা — ।” আমার হাসি পায়। আমার কিছ্‌ ভাল লাগে না এখন। বরং কফি হাউসের ভ্যানভ্যানে ভীড়েই একা একা বেশ নির্জন লাগে— সেই নির্জনতার স্বাদ উপভোগ করতে বেশ লাগে। আর ওই ভীড়ের গুনগুন গুনগুন আওয়াজ বাড়তে বাড়তে কখনো মনে হয় যেন সমুদ্রের ধারেই আছি। আবার কখন বিকট আওয়াজের আছড়ে পড়া ঢেউ, আছড়ে পড়েই হঠাৎ নিস্তব্ধ হয়ে যায়। কফি হাউসের এই মজাটা আমি আর মিতা প্রায়ই গুণে গুণে দেখেছি। খুব শর্ট ইন্টারভ্যালের জন্য কখনো কখনো হঠাৎ চুপচাপ হয়ে যায় সবাই, অথচ সবাই সবার সাথে সাঁট করে, ড্রিল করার মতন একযোগে পা ফেলে এক সেকেন্ড নীরবতা পালন করাচ্ছে এমন মনে হয় না। তবে গর্গটেটা মহাপাজী। যৌদিন টেবিলে থাকে এই শব্দজগৎনা সব মাটি করে দেয়। ক্যালকুলেট করতে বসে হঠাৎ এই চুপ মেরে যাবার প্রোবার্ভালিটি কত। একদিন পাজীটা উইলিয়াম ফেলারের বই পর্যন্ত নিয়ে এসেছিল আঁক কষে দেখবার জন্য, বাইনোমিয়াল ডিসট্রিবিউশন এক্ষেত্রে খাটে কিনা। কথা নয়, শব্দের আওয়াজের স্রোত। এই শব্দপ্রপাত শুনতে শুনতে এত মৃদু লাগে যে আর কিছ্‌ কানে যায় না। মিতা ভারী রাগ করে ধূপধাপ করে উঠে চলে যায় কোনদিন।

প্রসূন বলাছিল, আসলে এই ভাল লাগাটা একটা ধোঁয়াটেবাদের লক্ষণ— যতসব বুদ্ধ্যে স্পিরিচুয়ালিস্ট বিকৃতি। আমার তব্ব করতে ইচ্ছে হয় না— অবশ্য তব্বের গনগনে আঁচের মধ্যে একটা আনন্দও আছে, একটা খেলা, একটা মজার শব্দজগৎ, এত ইন্টারিন্সিবল এই শব্দের মহিমা না। অথচ চারদিকে নানাবিধ শব্দ আসছে ক্রমাগত। থিকথিক করছে পিউপা, লাভারী— কেউ বিপ্লবের, কেউ সংস্কৃতির, কেউ বিজ্ঞানের। দিকে দিকে মশাল জ্বলছে— এককোণে গ্রাম্‌সি, একটোবেল কডওয়ার্ল্ড, দু-চোয়ার ভালবাসা (শান্ত চাটুজ্যের সহযোগিতায়) মাঝখানের চার টোবেলে জোড়া দেওয়া “চাঁনের চেয়ারম্যান আমাদের চেয়ারম্যান” কিম্বা “গগফোর্জে নাম লেখান” নাম লেখান, নাম লেখান, বিশাল বড় রাবার স্ট্যাম্পের সাইজের চেয়ারম্যানের মাথা, মাওয়ার মাথা। প্র্যানমাতে ফিডেল কি বলেছে জানো? আরে মারিখেলার ব্যাপারটা কিন্তু খুব গোলমালে। আমি চুপ করে থাকি। জানি আমার একটা বিকট গোলমাল হয়ে আছে।

ছোটবেলা থেকে বোধহয় পুরুষানুক্রমিক রক্তের ধারায় থেকে গেছে এই গোলমালের বীজ। বিকট দৃষ্টিভোগের এক ইন্দ্রিয় স্নেহ আমার যুক্তি বন্ধ কিম্বা শব্দ শৃংখল ছারখার করে দিতে চায়। আশ্চর্য সব দৃশ্যমালা, ইমেজ কিম্বা চিত্রকল্প আমার শরীর আর মনের ওপর সর্বব্যাপী যে প্রভুত্ব বিস্তার করে আছে, সমুদ্রে তা সারে না— সেই আমার আজন্ম অসুখ। কবে দেখেছিলাম আশ্চর্য রূপসী আমার দেবীপ্রতিমা, শ্বেতশূভ্র, ভীষণ ফর্সা পায়ের নীলচে শিরা নিঃস্বাস প্রস্বাসের মতন ওঠানামা করছে। কিম্বা এক মহিষাসুরমর্দিনী, কালো গ্রানাইটের খোদাই কিম্বা রোঞ্জের মূর্তি। নীচে সবুজ শ্যাওলাধরা ছাদ আর অনেক ওপরের আকাশে শাদা পাখীর ঝাঁক ঘরে ফিরে যাচ্ছে। নিবু নিবু আলোয় ঝলসে ওঠা ডালিম রঙা নাকছাবির সর্বনাশা ঝিলিক। ঈষৎ স্ফীত তীক্ষ্ণ নাকের পাটা কিম্বা বিগল কান, উল্টনো খণ্ডতর মতন পুরু আর ভারী আর লতিয়ে ওঠা একগুচ্ছ চুলের গোড়ায় মস্তুর মতন টলটলে একবিন্দু জল। আমার ছুটে যেতে ইচ্ছে করে, অদৃশ্য পায়ের ওপর মুখ রেখে হু হু করে কান্নার অলৌকিক আকাশকা ভয়ানক হয়ে ওঠে। তেমনি গায়ে কাঁটা দেয় স্মৃতিতে আঁকা কিম্বা ছবিতে দেখা কোন নিসর্গ দৃশ্য কিম্বা জলোচ্ছ্বাস। হঠাৎ মনে পড়ে যায় ওই জলোচ্ছ্বাসের মতন ভেঙে গাড়িয়ে পড়া আমার রূপসী সরস্বতীর অলৌকিক হাসি। সবুজ ঘন জঙ্গলের গা ছম্ছম দৃশ্য কেন মনে করিয়ে দেয় ছোটবেলার সবুজ শ্যাওলা ধরা ছাদ কিম্বা ছাদের সেই মালিকিনের গা ছমছম শাসনের সান্নিধ্য, আদরের শাসন কিম্বা শাসনের প্রতারণা? তেমনি কোন ভীষণ নাড়া দেওয়া ফিল্ম বা চিত্রকলা অথবা গল্পকবিতার শব্দ বা অর্থ আমার মগজে ঢোকে না কস্মিনকালে। যা আমার মনের ভেতর গেঁথে থাকে, আমাকে জ্বালিয়ে মারে তা হল ওই ছবি কিম্বা গল্পকবিতা থেকে উঠে আসা বিশেষ বিশেষ আশ্চর্য সব দৃশ্যমালা— মনে হয় এক্ষুনি ঘটে যাচ্ছে সব— তার অলৌকিক দৃষ্টিভোগের ইন্দ্রিয় স্নেহের আমি ক্রীতদাস হয়ে থাকি আজন্ম-আমতু”।

মিতা আমার কলার ধরে টানে— এই কি হল ঘুমোচ্ছ নাকি? আসলে আমি মোটেই ঘুমোইনি কিন্তু পুরনো কলেজবাড়ীর পরিত্যক্ত ক্লাশরুমের বৌদ্ধিতে মিতার কোলে মাথা রেখে ঘুমের ভান করতে আমার দারুণ লাগে। আমার মাথার চুল টেনে দেয় আশ্বে আশ্বে। আমার মুখ ঘন হয়ে ডুবে যায় ওর কোলের ভেতর বিশেষ করে যৌন সিঙ্কের শাড়ী পরে থাকে— রেশমের একটা একটা আলাদা ওম আছে। আমার একটা হাত, ভরা গড়ানো কলসীর মতন ওর নিতম্ব ছুঁয়ে থাকে। কিন্তু শূন্য এই পর্যন্তই। কোনদিন ঠোঁটে ঠোঁট মেলাতে দেয়নি— আর আদর করেনি। কতদিন কবিতা মুখস্থ করে বলেছিলাম “শুন তার করুণ শব্দের মতন” কিন্তু ছুঁয়ে দেখবার পারমিশন পর্যন্ত দেয়নি। রেশমের আলগা গরমে মুখ ঘষতে ঘষতে শিউরে উঠতে হয়। ছোটবেলায় সিঙ্কের জামা নিয়ে অর্মান খেলা খেলতাম, সিঙ্কে আচমকা নখের ঘষায় কেমন শিহরণ লাগে না? (গর্দটে থাকলে অবশ্য বলত স্ট্যাটিক ইলেকট্রিসিটি।) তবু

সেই শিউরে ওঠার মধ্যে অজানা আতংকের কম্পনাও ছিল। কখনো কখনো মনে হত নাঃ শূন্য সিলেকের শাড়ী নয় আসলে ভেলভেট। অমনি বিদ্যুৎচমকানির মতন মনে পড়ে যেত ভেলভেটের মতন সেই অলৌকিক পেটের খাঁজে আমার নাক ছুঁয়ে আছে— দীর্ঘনিশ্বাসের কোলের ভেতর আমার মুখ। একটা হাতে আমার কান মূলে ধরে আছে আর ছোটহাতা জামার ভেতর দিয়ে স্পষ্ট হয়ে উঠছে শান্তিরত হাতের বাহু-মূলের অন্ধকার রেশমী কোমলতা। আমি ছিটকে পড়ে যাই মিতার কোল থেকে। মিতা চমকায় আর ধমক লাগায় “উঃ কি সব সীন কর না। অন্যমনস্কতা কি তোমার বিলাস।”

সুদীর্ঘদা বলত, “না না ইমেজ না থাকলে মানুষ বাঁচে কি করে? এর ভেতরে মার্কসবাদবিরোধী কোন ব্যাপারই নেই। ভেবে দেখ মার্কসবাদ কিম্বা বিপ্লব— যুক্তি-বুদ্ধি পরম্পরায় গড়ে ওঠা মডেল— কিন্তু যতক্ষণ না পর্যন্ত তার মূর্তি জীবন্ত হয়ে উঠছে জনগণের প্রত্যক্ষ পার্টিসিপেশনে ততক্ষণ পর্যন্ত ইতিহাসের গতিতে তার কোন দাগ থেকে যেতে পারে না। ভেবে দেখ— অ-এ অজগর আসছে তেড়ে, আমিটি আমি খাব পেড়ে। শিশুর কাছে ‘অ আ’ তো হরিবলি এ্যাবসার্ড কনসেপ্ট। যতক্ষণ পর্যন্ত না তার শরীরী একটা চেহারা ফুটে উঠছে আর সেই শরীরী চেহারার ভেতর থেকে, ক্রমাগত সেই ইমেজ চর্চার ভেতর দিয়ে তার এসেন্স নিংড়ে নেওয়া যাচ্ছে...। চীনের পার্টি একটা সুন্দর উপমা দিয়েছে আমাদের জন্যে— জান তো। ভারতের আকাশে বসন্তের বজ্রনির্ঘোষ। দেখ, ‘আকাশ’, ‘বসন্ত’, ‘বজ্রপাত’ এগুলো তো চিরন্তন সব ইমেজ— কিন্তু ওই ইমেজ ছাড়া কি এত স্পষ্ট হয়ে উঠত আমাদের এই সময়?”

আমি বোকায় মতন চেয়ে থাকি। আধো অন্ধকারে মিতার ফিসফিস গলা শোনা যায় তারা আসছে একটা—শেষরাতের আকাশে, অনেক বছরের পর। আমি স্বপ্নে দেখি সেই জ্বলজ্বলে অলৌকিক তারা। আকাশে বসন্ত নির্ঘোষের পর আরো উজ্জ্বল, আরো প্রখর হয়ে উঠছে সেই তারা। আর সেই তারার দিকনির্দেশ অনুযায়ী, তারার দিকে লক্ষ্য রেখে অনেক দূর থেকে হেঁটে আসছে অনেক মানুষ— নিজের মরুভূমি কিম্বা বরফের পাহাড় পেরিয়ে একা একা তারা হেঁটে আসছে, হেঁটে আসছে।

চার। ভূমিকম্পের আগে

গিঁপড়েরা কি করে যেন টের পেয়ে যায় বিশাল একটা গোলোটপালট ঘটতে চলেছে মাটির গর্ভে, তাই তারা পিলাপিল করে বেরিয়ে আসে— লক্ষ লক্ষ। চীনে তো অনেকদিনের রীতি আছে বাড়ীতে মাগুর মাছ পোষা আর পোষা মাছের ছটফটানি লক্ষ্য করা। আর্টক্লিপ ঘণ্টা আগে থেকেই নাকি অস্বাভাবিক ছটফটানি শুরু হয় তাদের। আসামের বিখ্যাত ভূমিকম্পের আগেও নাকি, অনেকেই লক্ষ্য করেছে, পোষা কুকুর বেড়ালের আচার আচরণ বদলে যায় আচম্কা। প্রাকৃতিক দুর্যোগের আগে এই শারীরিক

বিপর্যয়ের কোন বৈজ্ঞানিক ব্যাখ্যা আছে কিনা জানা যায়নি। অন্তত নতুন তারার পুনরাগমনে এইরকম বিপর্যয় ঘটে যেতে পারে কিনা তারো কোন ব্যাখ্যা নেই। অনেকদিন বাদে প্রায় সমুদ্রের হাওয়ার মতন লেকের হাওয়ার উত্থালপাতাল, ওই লেকতীরবর্তী অনেক উঁচু মিনারের মত ফ্ল্যাটে শরীর জুড়োতে জুড়োতে সুদৃষ্টিতে চায়ে চুমুক দিতে দিতে বাসুদেব কিম্বা গৌতমের সঙ্গে এই প্রসঙ্গে আলাপ করতে করতে কেমন মৌতাত অনুভব করেছি। জিওলজিস্ট হিসেবে দুজনেরই নামধাম প্রায়ই দেখতে পাই এখানে সেখানে— বাল্যবন্ধু হিসেবে গর্ব হবার মতন। কিন্তু তবুও অন্ধকার নেমে এলে, আমরা, নিরাপদ, লোকজমজমাট রাস্তা দিয়ে লেকের হাওয়া খেতে খেতে ট্যাঙ্কি করে বাড়ী ফিরতে ফিরতে সুক্ষ্ম একটা আতংক গায়ে কাঁটা ধরিয়ে দেয় কেন? একদা নিজস্ব, গা ছমছমে লেকের পাড়া তো এখন বেজায় জমজমাট। সামান্য আইসক্রীম খাওয়ার জন্যেও ফুলের মেলা বসে গেছে যেন, ক্রিমসন রঙের স্কার্টপরা আইসক্রীম চোষা মেয়েটার মুখ ভ্যাঙচানোও কি সুন্দর। সালোয়ার কুর্তা কিম্বা জিন্স পরা কিশোরী বালিকার ভিড়ে শাড়ী পরা হঠাৎ গম্ভীর মেয়েটাকে ভারী বেমানান লাগে। ভারতে অবাক লাগে, আমাদের সময়ে বোধহয় এক পার্সেন্ট মেয়ে সালোয়ার কুর্তা কিম্বা জিন্স পরত আর ওই সংখ্যালঘু সুন্দরীদেরই সবাই ফ্যাল ফ্যাল করে দেখত। আর আজ? এক পার্সেন্টও শাড়ী পরে কিনা সন্দেহ। আর তাদেরই অবাক হয়ে দেখে সবাই। ওই তো মেফেলার রেস্তোরাঁ, চীনে খাবারের মশলার চাটনী চাটনী গন্ধ নাকে আসছে আর বাইরের শোকেসে, এ্যাকোয়ারিয়ামে জলের তলায় অরণ্যদেবের বিকট বাহু উঠছে আর নামছে আর তালে তালে তাঁর দীর্ঘশ্বাস পড়ছে ক্রমাগত। কিন্তু তবু কেন শিউরে শিউরে উঠি, বেজায় শীতে এখনো কেন কপালে ফুটে ওঠে বিন্দু বিন্দু জলরেখা, বিশেষ করে যখন, আজকে যেখানে মৃৎমণ্ড, তার পাশ দিয়ে ছুটে যেতে যেতে। ওখানেই তো ছুঁড়ে ফেলে দেওয়া হয়েছিল তিমিরের শরীর। অষ্টমীর রাতে ভ্যান থেকে নামিয়ে রাস্তার ধারেই মৃদু দেওয়া হয়েছিল তাকে। ভ্যানটা টাটা করে পেছন ফিরতেই একবার অন্ধকার কানামাছির মতন তার চোখ লেপ্টে ধরেছিল, বুদ্ধের কোণে একখামচে যন্ত্রণার তীব্র ছটফটানি আর মুখ দিয়ে অনেক রক্ত। পোস্টমর্টেম রিপোর্টে জানা গিয়েছিল মৃগী রোগ ছিল নাকি অনেক পুরনো— তার থেকেই... সেরিভাল সিজার! কিম্বা যেখানে ফুলের মেলা বসে গেছে আইসক্রীম বাজার ঘিরে, প্রণবকে সেখান থেকে তুলে নিয়ে যাওয়া হয়েছিল। তখনো তার আঠেরো পেরোয়ানি তাই সতেরোটা পেরেক ঠুকে যীশুখ্রীষ্ট বানানো হয়েছিল তাকে। এবার অবশ্য পোস্টমর্টেমে মৃগী পাওয়া যায়নি। যাবে কি করে? মৃগীতে তো আর পেরেক পাওয়া যায় না খুঁলিতে। এনকাউন্টার, আতংক, অত্যাচার বিজ্ঞান, রক্ত আর বসা। মিতা একদিন করুণ গলায় বলেছিল— “জানো, আজ থেকে বছরখানেক বাদে কলকাতার রাস্তায় রাস্তায় দেখবে, অনেক পাগল ঘুরছে যাদের বয়েস তিরিশের কাছাকাছি। জানো, ওদের নাকি নিয়মিত সিরিজ দিয়ে রক্ত টেনে

নেওয়া হচ্ছে শরীর থেকে। সব জেলেই এসব হচ্ছে।” বলতে বলতে ছলছল করে ওঠে চোখ। (আমি তখনো জানতাম না, ওর মেজদার বন্ধু, যার সাথে মিতার বিয়ে প্রায় পাকা হয়ে উঠেছিল ওই রক্তাক্তপাতাতেই শেষ পর্যন্ত মারা যায় ছাড়া পাবার ক মাসের মধ্যেই।) বলতে বলতে সাতাইশ ওর হাত-পা বোধহয় হিম হয়ে যেত। ওর বিবর্ণ মুখে ফুটে উঠত ভয়। “দেখ, দেখ আমার হাতটা কি ঠাণ্ডা।” সেই প্রথম ওর হাত ধরা। আরেকদিন, জমাট শীত পড়েছিল সেবার। আমিও হাত বাড়িয়ে দিয়েছিলাম “দেখ, দেখ আমার হাতটা আরো ঠাণ্ডা।” ও সাগ্রহে আমার হাত দু-হাত দিয়ে চেপে জড়িয়ে ধরেছিল।

কেন জানিনা ওর দীপ্ত মুখে যেন হাজার পাওয়ারের আলো জ্বলে উঠেছিল, সেই মায় একবারের জন্যেই বোধহয় আমি ‘পরিপূর্ণতা’ অনুভব করেছিলাম।

কিন্তু আমি কেন আজন্ম শূন্যতার অসুখে ভুগে আসছি? আমার তো কোন বিকট অভাব ছিল না খাওয়া পরার, বা সাধ-আশ্বাদের? (সুধীরদা বার বার মনে করিয়ে দিত। “মনে রাখিস আমরা পার্টিতে পেটের জ্বালায় আসিনি এসেছি বন্ধুর জ্বালায়। আসলে আমাদের মতন কমরেডদের দায়িত্ব অনেক।”) তবু আজীবন এক শূন্য থেকে আরেক শূন্যে আমার লাফিয়ে চলা। কখনো কখনো শূন্য থাকে না— ভরে ওঠে প্রবল আতঙ্কে, যেন ওই আতঙ্কই দূর করে দিতে পারে সব শূন্যতা। কতদিন বাদেও রক্তের মধ্যে বয়ে চলে আমার আজন্ম ভয়ের শিহরণ— অজানা, অবাস্তব তবু অসম্ভবের ভয়। কতদিন আমার ঘরে কোন পুরনো বন্ধুর সঙ্গে গল্প করতে করতে অনেক রাত হয়ে যাবার পর বন্ধুকে পাড়ার ট্যাক্সিতেই তুলে দিয়েছি— তবু হেঁটে হেঁটে পাড়ার ভেতর দিয়ে বাড়ী ফেরবার সময়ে অসম্ভবের আতঙ্কে শিউরে উঠেছি— বোধহয় ফেরার পথেই ট্যাক্সি সমেত লোপাট হয়ে যাবে বন্ধু। ভাঙাচোরা এক সতৃপের মধ্যে গেঁথে থাকবে তার বিকৃত শরীর— আর উল্টে আমাকেই ধরে নিয়ে যাবে খুনের ষড়যন্ত্রের জন্যে। স্বপ্নে দেখি, আমার সব চুল সাদা হয়ে গেছে টেলস্টারের গল্পের মতন— যাকে আঠারো বছর দুঃসহ কারাবাসে কাটাতে হয়েছিল, কেননা খুন করার পর, সরাইখানায় খুনীর রক্তাক্ত ছুরিটা বদমায়েশী করে তার ব্যাগে পুরে দেওয়া হয়েছিল। মিতার বিমর্ষ ঠোঁট আধো অন্ধকারে ফিসফিস করে ওঠে “চল আমরা পালিয়ে যাই। অনেক দূরে। কানাডায়। দাদার বন্ধুরা কেউ কেউ ওখানে সেটল করেছে। বিপ্লব কি শূন্য দেশেই নাকি? ওখানেও অনেক কান্না করবার আছে। ইপানা বলে একটা কি হয়েছে জান? কেন কামগাতামারু থেকে যারা কানাডায় গেছে— সব বিট্টেয়ার নাকি?” আমি হাসতে পারি না, ঠোঁটের লাগামে বিষফোঁড়া উঠেছে একটা দাড়ি কাটতে গিয়ে। সুধীরদা শাসায়, “খুব সাবধান। ডোন্ট এক্সপোজ ইরোরসেস্ফ। তোকেই গ্রামে যেতে হবে। শহরের এ্যানার্কি তোমার জন্য নয়। অল্পস্বল্প কুরিয়ারের কাজ করতে পার, কিন্তু ওই পর্যন্তই। মাছ যেমন জলের মধ্যে মিশে থাকে তেমনি তোমাকেও মিশে থাকতে হবে জনগণের ভেতর। মনে রাখবে রাইফেল যদিও শক্তির উৎস আসলে জনগণই মহান,

সর্বশক্তিমান যা তোমাকে লুকিয়ে রাখবে— ধরতে ছুঁতে পারবে না কেউ।”

আমার অস্বস্তি লাগে। এইজন্য শব্দ নয় যে এইসব আশ্চর্য শব্দমালা, বোধ-বুদ্ধি বা ইতিহাসচেতনার পরাক্রান্ত এই শব্দের জাদু আমার মনের গভীরে কোন ব্যর্থতার তোলে না (অথচ প্রণবরা প্রবল আনন্দ পায় এই শব্দসমৃদ্ধির, মতাদর্শের তত্ত্বোবাজীতে, গুঁটে বলে এক ধরনের ‘ওর্যাল সেক্স’) এইজন্যেও বটে যে শব্দমালার চাইতেও আশ্চর্য দৃশ্য-মালাতেই আমার বশ্যতাস্বীকার। ‘জনগণ মহান সর্বশক্তিমান’— এইসব এ্যাডজেকটিভে আমার রক্তের ভেতরে কেন বেজে ওঠে না সেইরকম ছলাং ছলাং যা অন্য অন্য লড়াকু জনতা হাড়ে হাড়ে উপলব্ধ করতে থাকে দুবেলা? কেন আমার ইচ্ছে করে ‘মহান সর্ব-শক্তিমান’ এইসব শব্দের লিঙ্গপরিবর্তনে— মহিয়সী, সর্বশক্তিমানী এক আশ্চর্য নারীমূর্তি নিবু নিবু আলোয় প্রখর হয়ে ওঠে। অসম্ভব ফর্সা পায়ে নীলচে শিরা নিঃশ্বাসপ্রশ্বাসের মতন ওঠানামা করে... কিম্বা গ্রানাইটের খোদাই কালো পায়ের অদৃশ্য আলতা। ওই পায়ের ওপর মৃদু রেখে হু হু করে কেঁদে উঠতে ইচ্ছে করে...হায় আমার ভালবাসা, আমার বিপ্লব, আমার দেবী।

পাঁচ। একটি ইন্তেহার অথবা প্রেমপত্রের খসড়া

শোন মিতা, আমার প্রথম এবং শেষ প্রেমপত্র, যা কোনদিন লেখা হয়নি, তোমাকে শোনাতেই হবে। এই আমার এক অসুখ, শয়নে স্বপনে আমাকে উত্যক্ত করে মারে, যেন তোমাকে না শোনাতে পারলে শরীরের ভেতরের এই তীব্র অসুখ কোনদিন সারতে পারবে না। জানি তুমি খুব বোর হবে, প্রায় আমার মতন— কিন্তু উপায় নেই, রঘু আর বিনয় নামে দুজন লেখা শিকারী আমাকে ঘাড়ে ধরে কবুল করিয়ে নিয়েছে। কিছুতেই পরিগ্রাণ নেই, কাগজ ভরাট না হলে— কেননা এক ফর্মা বিজ্ঞাপন পাওয়া যায়নি অথচ কাগজ কেনা হয়ে গেছে অতএব ভরাট না হলে আমার মর্দুতি নেই।

তাহলে শোন মিতা, সবাই জানে বিপ্লবের জন্য, গ্রামে যাওয়ার জন্য আমি তোমার সব সম্পর্ক ছেদ করে ছুটে চলে গিয়েছিলাম অলঙ্ঘণীয় অজ্ঞাতবাসে।

কিন্তু তুমি তার চেয়েও ভাল জান যে একজন ম্যাজিকিস্ট এবং বেসিক্যালি একজন ইমপোটেন্ট-এর সঙ্গে কুমীরডাঙ্গা, স্ট্যাচু-স্ট্যাচু কিম্বা বড়জোর ঘোড়াঘোড়াও খেলা যায় খুব বড়জোর এক বছর কিন্তু তারপর চকলেটের পরিত্যক্ত বাক্স কিম্বা ব্যবহৃত লিপিস্টকের বর্জনীয় পরিশিষ্টের বেশী কিছু অবশিষ্ট থাকে কি? তাছাড়া তোমার দাদারা ততদিনে, গনগনে আগুন নিয়ে খেলার শেষে (যদিও এরা আমার খুবই প্রদ্বন্দ্ব—বিশেষত মেজদার সেই বন্ধু যিনি ছাড়া পাবার কিছু পরেই রক্তাশ্পতায় মারা গেলেন) কানাডায় সেটল করতে ব্যস্ত। এবং সন্দীপকে দিয়ে তুমিই আসলে খবর পাঠিয়েছিলে— ও তারা তারা চোখে বলেছিল “জানিস দারুণ খবর আছে একটা। আমি জানি না কিভাবে তুমি

নিবি—ভাবা যায় না...মানে আমাদের মিতা...না না বিয়ে কিনা জানি না তবে কানাডায় যাচ্ছে হয়তো পি এইচ ডি করতে।” তোমার ভিসার জন্য এত ব্যস্ততা ছিল যে আমার সঙ্গে দেখা করবার অবকাশ হয়নি তাই বিলায়েৎ খাঁর দরবারী কানাডার এল পি রেকর্ডটা, যা আমার কবছ থেকে অনেকদিন হল কেড়ে নিয়েছিলে গভীর রাতে শুনবে বলে সেটাও সন্দীপের হাত দিয়েই ফেরত পাঠিয়েছিলে। আমার মৃড়ির টিনের মতন রেলগাড়ীটা যখন অত্যন্ত অজ একটা ফ্ল্যাগ স্টেশনে আমাকে একা একা নামিয়ে দিয়ে চলে গেল এবং আমার নতুন হোস্ট নিবারণদা যখন স্টেশন থেকে আমাকে আমার মালপত্রশুদ্ধ সাইকেল রিক্সাতে চাপিয়ে দিল তখন কেন জানি না বিমল করের ‘শূন্য’ বলে গল্পটা মনে পড়ছিল। আমার স্মৃতি-স্বপ্নের পরম্পরায় একটা অংশ কি কেউ চাকলা করে কেটে ফেলে দিল? তাই তোমার জন্য কোন কষ্ট, যন্ত্রণা এসব কখনো উঁকি দেয়নি। বরং আমি মৃগ্ন হয়ে গিয়েছিলাম এক ধূ ধূ প্রান্তরের নিস্তব্ধতায়। কতদূরে ধানের আলের বক্ররেখা আকাশের সঙ্গে মিশে গেছে। ভাবা যায় এইখানেই আশীভাগ জনগণের চারণভূমি? (আশী না নশ্বই এইসব নিয়ে অনেক তত্ত্ব যা যা শূন্যেছিলাম সব যেন হু হু হাওয়ায় মিলিয়ে যায়। সংখ্যা নিয়ে গোলযোগের ব্যাপারে সন্দীপ মজা করে বলত—এটা বোধহয় সেই ‘আমরা বাঙালী’ আর ‘বাঙালী আমরা’-র ঝগড়ার মতন। এ বলত ‘নশ্বই ভাগ বাঙালীর চাকরী চাই’ ও বলত ‘একশ ভাগ বাঙালীর’— তার মানে অবশ্য একশ ভাগ খাঁটি বাঙালী আর মিশেল দেওয়া নশ্বই ভাগ দোআঁশলা বাঙালীও হতে পারে)।

নিস্তব্ধতার যে একটা আশ্চর্য শব্দ আছে সেটা গ্রামে না গেলে বৃষ্টিতে পারতাম না। অনেকক্ষণ কানপেতে থাকলে শোনা যাবে সেই শব্দ—একটা অদ্ভুত গমগমে নিস্তব্ধতার আওয়াজ। এতই সর্বব্যাপী অশ্রুত সেই গমগম নিস্তব্ধতা যে কিছুক্ষণ পরে যদি হঠাৎ কোন পাখী ডেকে ওঠে কিম্বা শব্দ হয় ঝাঁঝের ঐক্যতান তাহলে সেই আওয়াজ শোনা যায় হঠাৎ বেজে ওঠা তীক্ষ্ণ কোন যন্ত্রসঙ্গীতের ভাঙা টুকরোর মতন।

অনেক মানুষের সঙ্গে আমার আলাপ করিয়ে দিয়েছিল নিবারণদা...মেহনতী মানুষ যদিও লড়াই জনতা, সংগ্রামী জনগণ তখনো হয়নি (কিন্তু হওয়ানোর জন্যই তো আমাদের পাঠানো)। তাদের অভাব অভিযোগ দৈনন্দিন দৃষ্টে যন্ত্রণার মধ্যে কোথায় গর্জে দেওয়া যায় সেই টাইমবোমা, ঠিক সময়ে যার বিস্ফোরণ তুলকালাম করে দিতে পারে এই অশ্বসমাজের অস্তিত্বে?

শহরের খবর আসত অনেকদিন বাদে বাদে, সাধারণ নিশ্চিন্ত রাতে, বাজারের থলিতে করে পার্টির নিষিদ্ধ কাগজ সমেত।

শহরে তৃতীয়ে গা-সওয়া হয়ে গেছে নর্দমা ভাসা লাশ। হাজতবন্দীদের কলজে-ফাটা চিংকারে (চারহাতপায়ে উপুড় করে শূন্যে, হাত আর পায়ের পাতার ওপর ভারী বর্মটিক টেবিলের চারপায়া চাপিয়ে টেবিলের ওপর নাকি নৃত্য করত সেপাইরা) রাতিরে অনেক পাড়াতেই ঘুম হত না। এই সময়েই ঘরকুনো অনেক বাঙালীই দলে দলে

বাইরে যেতে বাধ্য হয়। ড্রপ আউটেরা শূদ্ধ মেস্ট্রা, পিশানী বা শিমলাতেই নয় ইউরোপ, এ্যামেরিকার ইউনিভার্সিটিতেও ভীড় জমায় (কে না জানে তাজমহলের জন্য আগ্রা আর আই. কিউ.-র জন্য কলকাতা বিখ্যাত)। এসব খবর নিশ্চয়ই তোমরা বি. বি. সি. মারফৎ শুনতে (তখন ভার্গিস সি. এন. এন. আসেন)।

কুস্বং অর্থাৎ চিরনুনীতলাশী চালিয়ে গোরু ভ্যাড়ার মতন যখন তখন বারো থেকে পঁয়ত্রিশদের পাইকারী হারে তখন তুলে নেওয়া হচ্ছে। যন্ত্রণাবিজ্ঞানের খুব বাড়বাড়ন্ত তখন। এইসব খবর আসত খুব ভাসাভাসা, পাছে আমাদের মর্যাল ভেঙে যায়। নিবারণদা প্রায়ই খোঁচাত। আমাকে নাকি বহু ভালবেসে ফেলেছে গাঁয়ের মানুষজন। শূদ্ধ প্রাইমারী স্কুল আর বয়স্ক শিক্ষার মাস্টার হিসেবেই নয় বিপদে আপদে শলাপরামর্শ নিতেও ডাকতে আসে রাতবিরেতে। এইতো সুযোগ মানুষের দৈনন্দিন অসন্তোষের বারুদে দেশলাইকাঠি জেদলে দেওয়ার। কিন্তু আমি লক্ষ্য করি না কিছুই। আমার লক্ষ্য আসে দিনরাতের আশ্চর্য শব্দ পরিবর্তন। নিস্তব্ধতার দ্বিপ্রাহরিক গমগমে শব্দ কখন রাতের নির্জনতার অন্যতর শব্দে बदলে যায়। আর সন্ধ্যের আকাশে কখনো কখনো খুঁজতে ভাল লাগে সেই আশ্চর্য তারা জ্বলজ্বলে তারা যার খোঁজে তুমি যেতে চেয়েছিলে নির্জন কোন সমুদ্রে অথবা বালিয়াড়িতে।

ধু ধু প্রান্তরের আশ্চর্য নিস্তব্ধতার মতই গাঁয়ের মানুষদের অদ্ভুত মূখে কুলুপ আঁটা নিস্তব্ধতা। শোনা যায় তাদের জমিদার নাকি অন্য গাঁয়ে থাকে। যখন তখন তাদের খাজনা আদায়ের নামে ডেকে পাঠায় আর বিকট প্রহারের কালশিটে সারা শরীরে মেখে তারা ফেরত আসে এ ওর ঘাড়ে করে। কিন্তু প্রতিবাদ করতে সাহস পায় না কেউ। কেন্দ্র থেকে এত্তেলা আসে প্রায় প্রায়ই। আর কত দেরী কত বাকী! চারদিকে আগুন জ্বলছে শূদ্ধ নিবারণদার গ্রাম যেন বিচ্ছিন্ন দ্বীপ, আগুনের রিং-এর মধ্যে নিস্তব্ধ হয়ে থাকার বিকট সার্কাস দেখাচ্ছে।

গভীর রাতে জেগে উঠে বসে থাকি। নিবারণদা গায়ে পিঠে হাত বুলিয়ে দেয়। অদ্ভুত গল্প শোনায় একটা যা ওর বাপ ঠাকুন্দের আমল থেকে শূনে এসেছে বংশ-পরম্পরায়। তখন ভারী জঙ্গল ছিল এই দিকটার। দিনের বেলাতেও বাঘ বেরুত। অনেক দিনের কথা সেসব। কোম্পানীর আমলটামল হবে। ইংরেজদের সঙ্গে কি একটা ভীষণ লড়াই তখন লাগো লাগো। এমনি একদিন জঙ্গলে খেলতে খেলতে নিবারণদার ঠাকুন্দের বাবা (অথবা ঠাকুন্দের ঠাকুন্দা) রাস্তা হারিয়ে ফেলে। ওদিকে সন্ধ্য প্রায় হয় হয়। গাছের পাতায় পাতায় গা-ছমছমে শিরিশরে হাওয়ার শব্দে কান্না পেয়ে যাচ্ছে। হঠাৎ জঙ্গলের মাঝখানে একটা পরিষ্কার মতন জায়গায় খানিকটা উঁচু চাতালের পেছনে উঁকি মেরে বসে একটা বহুদিনের পুরনো জীর্ণ কুঠি, আর কি আশ্চর্য তাতে গ্যাসবাতি জ্বলছে ভেতরে। পুরনো ভারী পর্দার ঘোমটা হাওয়ার উঠে উঠে একঝলকে দোঁখয়ে দিচ্ছে ভেতরকার ভারী পুরনো কাঠের আসবাবপত্র আর জৌলুশ। ছেলেটা (অর্থাৎ

ঠাকুন্দা) এক দৌড়ে চাতাল পেরিয়ে ভেতরের বৈঠকখানায় ঢুকতেই অবাক। একটা হলঘরের মতন বিশাল জায়গা, কেমন দরবার দরবার ঢঙে সাজানো। পুরনো গালচে সিঁড়ি থেকে পাতা সোজা চলে গেছে ঘরের শেষপ্রান্তে উঁচু মতন একটা সিংহাসনের তলায়। সিংহাসনের ওপর ঘর আলো করে বসে আছে মুকুটপরা বনের রানী। রং যেন দ্বন্দ্ব-আলতার মতন, আলতাপরা পা এত ফর্সা যে ভেতরের নীল শিরা পর্যন্ত স্বচ্ছ জলের ভেতরকার মাছের খেলার মতন দেখা যায়। প্রতিমার মতন ভরাট লম্বাটে মুখ ভারী সুন্দর, তীক্ষ্ণ নাক, বিশাল কান— তাতে নীল হীরের দুল ঝলসে ঝলসে ওঠে। কিন্তু চোখ দুটোই যা ভয়ংকর— এত নির্মম ক্রুর দৃষ্টি হতে পারে কারোর...। কুচকুচে দুটো ভুরু মর্মাস্তক কোন শাস্তির ইঙ্গিতে কুঁচকে কুঁচকে উঠছে। বাঘের ছালের শাড়ীর ভেতর দিয়ে আগুনের শিখার মতন শরীর দেখা যাচ্ছে। আরেকটা বাঘের ছালের ওপর দ-পা আর দ-পাশে বাঘের মতই দুটো ডালকুন্তা— তাদের খোলা জিভ আর লাল গড়ানো হিংস্র মুখ ভীষণ হয়ে উঠছে। অন্ধকারে নিবারণদমর ফিসফিসে গলা জড়িয়ে জড়িয়ে আসে আর স্পষ্ট দেখতে পাই যেন আমিই নিবারণদার সেই ঠাকুন্দার ঠাকুন্দা, পুরনো গালচের ওপর দিয়ে গড়াতে গড়াতে কোন অলঙ্ঘ্য নির্দেশে ওই বনবিবর পায়ের কাছে এসে পড়েছি! হিংস্র বাঘের মতন ডালকুন্তার দুটো থাবা উদ্যত হয়ে উঠতেই বনবিবর প্রচণ্ড ধমক লাগায় আর কুন্তা দুটো ঘেউ করে উঠেই থমকে যায়। বাজ পড়ার মতন চিংকার শোনা গেল একটা “সাহস বড় কম নয় তো! এখানে আমার শাস্তি কি জানিস?” বলতে বলতে আমার গায়ে গরম গরম লালাবরানো নিঃশ্বাস পড়ে ডালকুন্তা দুটোর। বনবিবর পায়ের তলায় হাঁটুগেড়ে বসা আমার শরীর। দারুণ আতংকে চোখ বৃজতেই হুকুম শোনা যায় ‘চোখ খোল’। চোখ খুলতেই গা শিউরে ওঠে— বনবিবর হাতে লকলক করে উঠছে বিশাল সাপের মতন প্যাঁচানো চাবুক, তার মুখটা সাপের কণা ধরে মাটিতে লুটিয়ে পড়ছে। আবার আতংকে চোখ বৃজতেই আকাশ ফাটানো হাসি শোনা যায়।

আসলে আমার ওপর খুব দয়া হয়েছিল বনবিবর। তাই অব্যাহতা করলে কি পরিণাম হতে পারে তার অভিনয় দেখিয়েই ক্ষান্ত হয়েছিল! আর কিছু বলিনি। একবছর বনবিবর অকপট দাসত্ব স্বীকার করে নিলে শেষ পর্যন্ত বাড়ী ফেরার বন্দোবস্ত করে দেবে এইরকম শর্ত মেনে নিতে হয়েছিল অবশেষে। আর প্রথমদিনই ভয়ংকর শাসানি দিয়ে রেখেছিল ভুলেও যেন দরবারের পাশের তালাবন্ধ ঘরটার চাবির ফুটো দিয়ে কিছু দেখতে না চাই। দেখলেই ভয়ংকর বিপদ।

আমার রাজসিক খাওয়া পরার কোন অভাব রাখেনি জঙ্গলের রানী। দিনেরবেলায় প্রায় দেখাই হত না কেননা মাঝদুপুরের আগে রানীর ঘুম ভাঙত না। কিন্তু দুপুর গাড়িয়ে বিকেল হয়ে এলেই শরদ্ব হয়ে যেত সাজগোজ পর্ব। ভীষণ কেতাদুরস্ত না হয়ে থাকলে বেজায় বিরক্ত হত রানী। রাত্তিরের ডিনার হত, এক টেবিলে আমি আর রানী আর

পায়ের কাছে দ্দুটো ডালকুন্তা। কিন্তু আমি ঠিক জানতাম পাশের ঘরের রহস্য আমাকে ভাঙতেই হবে, ভাঙতেই হবে। তারপর একদিন নিশ্চুতি রাতে আমার ঘরের তালাবন্ধ করতে সৌদীন ভুলে গেছে, পা টিপে টিপে হাজির হই দরবার হলে, চোখ রাখি পাশের দরজায় চাবির ফুটোয়। দেখি এক বিকট দৃশ্য। দেয়ালের আংটায় আংটায় মশাল জ্বলছে অনেক। ঘরের একপাশে সারসার পাথরের মূর্তি। আগুনরঙা জামায় বনবিবিকে দেখাচ্ছে লকলকে শিখার মতন। তার এক হাতে ধরা বিশাল সাপের ফণাওয়ালা সেই চাবুক নির্মম গতিতে আছড়ে আছড়ে পড়ছে ওই মূর্তিগুলোর পিঠে, বদকে, সারাসারীয়ে, একটা অঙ্গপট কান্নার আওয়াজ, ঘনঘন পাখীর গুমরে ওঠার মতন, মূচড়ে মূচড়ে উঠছে। ডালকুন্তা দ্দুটো মূখে কামড়ে উজন উজন চাবুক এনে রানীর পায়ের কাছে ফেলছে আর ভয়ংকর আওয়াজ শোনা যাচ্ছে শ্লিক্ শ্লিক্ শ্লিক্ আর ততই বীভৎস হয়ে উঠছে রানীর হিংস্র দৃষ্টি। সব শেষ হয়ে এলে ঘরের একপাশের পর্দা ঠেলে দেয় রানী। সেখানে গোপন দেরাজ থেকে বেরিয়ে আসে একটা সোনার কোটো। কোটো খুলতেই একটা রঙীন প্রজাপতি গুনগুন করতে করতে রানীর খোঁপায় এসে বসে। কোটোর একটা ডালায় ছোট্ট আয়না...সেখানে ফুটে উঠেছে অনুপম এক সদ্যকিশোরী মূখ, সেখানে কোন পাপ নেই, হিংসা নেই, নিষ্ঠুরতা নেই। অনেকক্ষণ প্রসাধন করে রানী মন দিয়ে তারপরই গুনগুন করতে করতে প্রজাপতিটা ঢুকে পড়ে সোনার কোটোয়। হঠাৎ একটা নিঃশ্বাস আমার শরীরে পড়তেই বাজ পড়ার মতন আওয়াজ হয়, বন্ধ দরজা বিকট আওয়াজে খুলে যায়। রানীর চোখের নিষ্ঠুর দৃষ্টি হিংস্রতম হয়ে ওঠে আর প্রবল বাজ-পড়ার মধ্যে বদ্বন্তে পারি আমিও একটা পাথুরে মূর্তি হয়ে যাছি, আমার হাত পা অসাড়, পা দ্দুটো কেউ মেঝের সঙ্গে আটকে দিয়েছে।

অন্ধকারে নিবারণদার গলা আরো জড়িয়ে আসে। বদ্বালি ওই মূর্তিগূলি ছিল আসলে রানীর ক্রীতদাস। রানীর চোখের শাসনেই ভয়ে পাথর হয়ে যেত তারা। টিকিটিকি ঘেমন করে সম্মোহিত করে তার শিকার, কেমন পাথর হয়ে যায় টিকিটিকির দৃষ্টিতে, আত্মসমর্পণ করে শিকারীর কাছে তেমন ওই ক্রীতদাসেরাও সম্মোহিত আত্মসমর্পণ করত রানীর চাবুকের কাছে। অথচ ওই রানীটার মৃত্যু ছিল কত সহজ, একেবারে হাতের কাছে ওই দেওয়ালের পর্দার আড়ালে। অথচ কেউ জানত না, জানার চেষ্টাও করেনি— তাই এত আতঙ্ক। যা না জানা তাইতো ভয়?

আরো অনেক পরে একদিন ভোরবেলায় একপাল ছেলেমেয়ে কানামাছি খেলতে খেলতে ঢুকে পড়েছিল রানীর ওই গুহায়। খেলতে খেলতে নেহাৎ খেলাচ্ছলেই তারা পর্দায় হাত বাড়ায়। পর্দা খুলে আত্মপ্রকাশ করে সেই দেরাজ আর দেরাজের ভেতর সোনার কোটো। টানাটানিতে সোনার কোটো খুলে যায় প্রচণ্ড এক বিস্ফোরণের আওয়াজে, বেরিয়ে আসে সেই প্রজাপতিটা। অমনি বিকট আওয়াজে রানীর ঘুম ভেঙে যায়। বিস্তীর্ণ প্রান্তর জুড়ে দেখা যায় সেই প্রজাপতির পাখা মেলা, ছেলের দলের দৌড়

আর রানীর ক্লান্ত দৌড় পেছন পেছন। যত দৌড়য় ততই হাঁপ ধরে রানীর। বিচ্ছিন্ন বিকট হয়ে ওঠে তার শরীর। হাড়গোড় বেরিয়ে আত্মপ্রকাশ করে এক লোলচর্ম ডাইনী। অবশেষে এক গুলান্তর আঘাতে প্রজাপতিটা ডানা ভেঙে পড়ে যেতেই হুড়মুড় করে মৃৎ থুবাড়ে পড়ে রানী অথবা লোলচর্ম সেই ডাইনী, কোথায় সেই রূপ আর জৌলুশ, বীভৎস হাড়াজড়াজড়ে এক ডাইনীর মৃতদেহ অনেকক্ষণ পড়ে থাকে সেই জঙ্গলের মাটিতে আর সমস্ত পাথরের দল মানুষ হয়ে ঘরে ফেরৎ আসে।

অন্ধকারে নিবারণদার নাক-ডাকার আওয়াজ শোনা যায়। কিন্তু আমার ঘুম আসে না। পর পর অনেকগুলো বাজ পড়ে যেন আর বিকট বিদ্যুত্তর ঝিলিকে আমার সেই গোপনতম স্বপ্ন অথবা বাস্তবেরই একটুকরো প্রজাপতির মতন পাখা মেলে আত্মপ্রকাশ করে। কাউকে বলিনি এতদিন... কাউকে না।

আমার সেটাই ছিল বাল্যকালের শেষ বছর। সামনেই স্টেট পরীক্ষা তারপরেই হায়ার সেকেন্ডারী (ক্লাস ইলভেন তখন)। ছাত্তের ইস্কুলে তখন অপর্ণাদির শাসনের সাম্রাজ্য বিস্তৃত হয়েছে আর সেই সাম্রাজ্যের একনম্বর উপনিবেশ আমি। ফার্স্ট টার্মিনালে বাজে নম্বর হলেও হাফইয়ালিতে আমার নম্বর বেজায় ইস্প্রভ করেছে।

কিন্তু কিছুতেই পড়ায় মন বসে না— অদ্ভুত এক ক্লান্তিতে ছেয়ে থাকে আমার শরীর। সেই ক্লান্তির ভেতরে কোথাও একটুকরো গোপন আতঙ্কের সূঁখ, বীভৎস সেই সূঁখ অন্তর্লীন হয়ে থাকে। রোজ সন্ধ্যাবেলা খেলার শেষে আমি আর সন্দীপ মাঠের শেষ প্রান্তের পড়ো দেয়ালটার সামনে হাজির হই। দেয়ালের ফোকস্ থেকে বেরিয়ে আসে সেই অদ্ভুত ছবির এ্যালবামটা। বোধহয় বিলেত থেকে আনানো— এত সুন্দর তার ঝকঝকে ছবি আর ছাপার কাগজ। ছবি... ছবি অনেক ছবি। অদ্ভুত সেই মেয়েদের ছবি তাদের নানা অঙ্গপ্রত্যঙ্গের উদ্ভট সব ব্যাপার। কোনটায় জামা গায়ে দেওয়া, কোনটায় নেই। ষেগুলোর জামা গায়ে দেওয়া সেগুলো আরো মোহময়ী, আরো বিচিত্র। সেই এ্যালবামটা এক সপ্তাহের জন্যে ধার চেয়ে প্যান্টের পকেটের ভেতর লুকিয়ে নিয়ে এসেছি। কখনো মোটা লাল বাঁধানো স্কলার খাতাটা, কখনো বা বিশাল জ্যামিতি বই-এর ভেতরে তার বাস। নিশ্চুতি রাতেও পড়ার নাম করে টেবিল ল্যাম্প জ্বালিয়ে বসতে হয় জ্যামিতি বইটা সঙ্গে নিয়ে, সামনে খোলা থাকে আঁক করার এক্সারসাইজ খাতা। সাদাই থেকে যায় পাতার পর পাতা। দীর্ঘনিশ্বাস ধূঁশীও হয় আবার বোধহয় সন্দেরের মেঘও জন্মে থাকে মনের ভেতরে যার হৃদিশ পাওয়া যায় না বাইরে থেকে। এত যদি পড়ার ঘুম তবে হোমটাস্কের এইসব সিলি মিস্টক আসে কোথ থেকে? আমি উত্তর দিতে পারি না। মৃৎ নীচু করে থাকি, আর অভ্যেসমতন নীলডাউন হয়ে দীর্ঘনিশ্বাস হাতে কানমলা খাই। আমার পাহারা আরো কড়া হয়। নিশ্চুতি রাতে ঘুম ভেঙে জল খাবার নাম করে স্কলার খাতাটা হাতড়ে নেবো ভাবতে না ভাবতেই চুলের ভেতর হাত বুলিয়ে দেয় দীর্ঘনিশ্বাস হাত। কখন উঠে এসে লক্ষ্য করেছে আমাকে। “কিরে ঘুম হচ্ছে না বুঝি।

এত রাতে আর লেখাপড়া করে শরীর খারাপ করতে হবে না। নে তোর মাথায় একটু আরাম করে দিচ্ছি— ঘুমিয়ে পড়।” আমার খুব অপরাধী-অপরাধী লাগে। পরদিন দুপুরে টেনে ঘুম লাগাই। সারা সকাল বিদঘুটে অংকের হোমটাস্ক করে খাতা জমা দিয়ে দিয়েছি দিদিমণির হাতে। চোখ কচলে উঠতে উঠতে দেখি দুপুর গড়িয়ে প্রায় বিকেল, আলো নিবু নিবু হয়ে আসছে।

সত্য গা ধোওয়ার পর অপর্ণাদি কেন যে হস্টেল করে টানটান বেঁধে ফেলে চুল কে জানে। কিন্তু এই শেষ বিকেলের আলোয় কোমল স্নেহবতী মৃদু আরো কোমল হয়ে ওঠার কথা, কিন্তু তার বদলে প্রখর হয়ে উঠছে গ্রীক প্রতিমার মতন লম্বাটে মৃদু। কি যেন মাথা মৃদু তাকে কালো রঙের মহিমা গলে গলে পড়ছে। কুচকুচে কালো চোখের তারা আর ভুরু প্রখরতম হয়ে উঠতেই মনে হয় কি কঠিন, কি নিষ্ঠুর। হোমটাস্কের খাতাটা ফর্টাস্ করে আমার বিছানায় ফেলে দিয়ে কঠিন নিঃশ্বাস ফেলে— “এই তোমার হোমটাস্ক।” আমার একটা কান পেঁচিয়ে ধরে আবার প্রচণ্ড সেই নিঃশ্বাস— তাতে জর্দা পানের গন্ধ, লালনীল পেন্সিলের গন্ধ, অদ্ভুত সুন্দর একটা আত্মরের গন্ধ...। আবার সেই নিজেকে ছালছাড়ানো মুরগির মতন মনে হতে থাকে, একটা অশরীরী অনির্দেশ্য, তীরতর বন্ধুগার মতন— যেমন মনে হয়েছিল অনেক কাল আগে শ্যাওলাধরা সবুজ ছাতের ওপর সরস্বতীর গলা জড়িয়ে ধরে ধরা পড়ে যাওয়ার সময়ে। (কিন্তু সেদিন তো শান্তি দেয়নি, আদরই করেছিল অবশেষে।) আতংকে শিউরে উঠতে উঠতে আবিষ্কার করি হোমটাস্কের আসল খাতাটার বদলে সেই লাল স্কলার খাতাটা কি করে ভুলে সাবমিট হয়ে গেছে। স্কলার খাতার জামা খুলে বেরিয়ে পড়েছে ছবির এ্যালবাম আর এ্যালবাম জুড়ে খ্যালখ্যাল করে হেসে চলেছে স্বপ্নবাস নিষ্ঠুর সেই সুন্দরীর দল। আমার দর্দশায় হেসে গড়িয়ে পড়ছে তারা, কেউ খুলে ফেলেছে জামার বোতাম, কেউ তার নিপুণ বাহু উদাত্ত করে— কি ভয়ংকর সেই বাহুমূল, মসৃণ রেশমের মত তার নিষ্ঠুর কোমলতা— স্বপ্নবাস বক্ষবন্ধনীর পেছনের ফিতে খুলতে ব্যস্ত। দেওয়ালজোড়া আয়নার সামনে আমি নীলডাউন হয়ে দেখতে পাই দিদিমণির হাতে লালটুকটুক একটা লকলকে বেত যা সপাং সপাং করে আমার পিঠে আছড়ে পড়তেই গোটা দেওয়াল আয়না জুড়ে, সাপথেলানো সুদূর কিম্বা ডুগডুগির আওয়াজ অথবা পিয়ানোর আশ্চর্য ঝংকারের সঙ্গে সঙ্গে নেচে চলেছে এ্যালবামের সেই নিষ্ঠুর সুন্দরীর দল। সেদিন আমি সারারাত বিছানায় উপুড় হয়ে কেঁদেছিলাম কিনা মনে নেই। তবে এমনি পাথর হয়েছিলাম যে অপর্ণাদি অনেক অনুন্নয়ন করেও খাওয়াতে পারেনি। নিশ্চুতি রাতে অনুভব করেছিলাম আমার খাটের পাশে অপর্ণাদি পাথরের দেবীপ্রতিমার মতন বসে, হাত দিয়ে দুচোখ ঢাকা আর অস্পষ্ট ফুঁপিয়ে ওঠার শব্দ, যেন ঘুঘুপাখীর আওয়াজের মতন গুমরে গুমরে উঠছিল। সেই আশ্চর্য দেবী-প্রতিমার পায়ের কাছে বসে আমি কোলে মৃদু চেপে দিতেই শিউরে উঠেছিলাম

ভেলভেটের মতন নরম পেটের খাঁজের স্পর্শে, আমার নাকের ভেতর চেপে বসেছিল দুই স্তন, অস্পষ্ট বোতাম খোলার আওয়াজ টের পেয়েছিলাম। কি প্রবল প্রভুত্বপারায়ণ, কি অসম্ভব মোহমগ্নী সেই স্তন। আমার ভেতরটা ম্ন্‌চড়ে ম্ন্‌চড়ে গলে গলে পড়িছিল প্রবল নিষ্পেষণে— যেন বিশাল এক জলপ্রপাত আছড়ে আছড়ে পড়ছে পাথরের মতন— প্রচণ্ড সেই প্রপাতে পাথর কেটে কেটে ভেঙে পড়ছে— যেন প্রচণ্ড জলোচ্ছ্বাস, ঝড় উঠেছে ভীষণ। সত্যিই প্রবল ঝড় এসেছিল। জানলা ভেঙে পর্দা খুলে একাকার। আমি চোখ কচলে নিবারণদাকে ঘুম থেকে উঠিয়ে দিয়েছিলাম কেননা বাইরে প্রবল ঝড় উপেক্ষা করে আকাশের গায়ে গায়ে মশাল জ্বলে উঠেছে— অনেক আশ্চর্য তারা কি করে উঠল ঝড়ের রাতে? আসলে তারা নয় মানুষ, অনেক মানুষ যাদের যুগযুগান্তরের ক্রোধ মশাল হয়ে জ্বলে উঠেছে। তাহলে কি সত্যিই বিপ্লব শুরুর হয়ে গেল। বাইরে বাজ পড়ার আওয়াজ। জল আর বন্যা... আর মানুষের বন্যা। সত্যিই জেগে উঠছে ঘুম পাড়ানী গ্রাম।

ফলে অনেক রক্তের বন্যা বয়ে যায়। অনেক লাশ। অনেক ঘাম কান্না আর রক্ত। এসব তো তোমরা খবরের কাগজে দেখেছ। কিম্বা এ্যামেরিকার র‍্যাডিকাল কাগজপত্রে অথবা চ্যানেল সিক্স-এ। এ্যামনেস্টি ইন্টারন্যাশনালের হিসেব অনুযায়ী কত রাজনৈতিক বন্দী ছিল তখন সারা পৃথিবীতে? পঁচিশ লাখ? তার থেকে কয়েকশো বেশী হলে কি ক্ষতি? একদিনে চাঁষাশ ঘণ্টায় কত মিনিট কত সেকেন্ড? কিন্তু থিওরি অফ রিলেটিভিটি কি বলে। জেলের একদিনেও কি অল্প ঘণ্টা অল্প মিনিট?

ছয়। আই হ্যাভ এ ড্রীম

শাশার দোকানে রাজস্থান থেকে খাঁটি কারিগরের দল বসে থাকে তাদের এথনিক সাজপোষাক পরে— কেউ বুনতে থাকে জামাকাপড় কেউ হাতের কাজ করে যার নিপুণ-গতিতে। দেখাদেখ সরকারী মেলাতেও ময়দানের প্যাভিলিয়নে দেখানো হয় একইরকম দৃশ্য। অথেনটিসিটির একটা ব্যাপার আছে তো। চারদিকে এত জৌলুশ আর এত উঁচু উঁচু বাড়ী উঠেছে— বিপ্লবের সময়ে ছিল না। অনেক কমরেডরা যারা জেল থেকে বেরিয়ে উঁচু বাড়ী তৈরী করার ঠিকদারী করে দিনগজুরান শুরুর করেছিল তারা কেউ কেউ এখন কোটপাতি কনসালট্যান্ট-আর্কিটেক্ট। প্রগতিশীল বাম সরকার আসার পর আমূল বদলে গেছে শহরের চেহারা। সংস্কৃতির দারুণ উন্নতি হয়েছে— রেসের মাঠ নিকটবর্তী এলাকা এখন এমন এক দারুণ কালচারাল কমপ্লেক্স সমৃদ্ধ বা সারা দেশে কোথাও নেই— সেখানে কখনো আলো যায় না। এত মোটরবাইক আর স্কুটার চারদিকে— তারপর মেট্রোরেল যাতায়াতের সুবাহা হয়েছে অনেক বেশী। অবশ্য নিন্দকের অভাব কখনোই ঘটে না কোন দেশে। যারা কিছু পারনি তারা ভ্যাঙার, ‘খান্দামূলক

বস্তুবাদের' কল্যাণে নাকি দেশ ছেয়ে গেছে 'ডেমোক্রাসি অফ ক্রাপশন'। কিন্তু এটা ঠিক, অনেক লোকের হাতে অনেক বেশী পরস্যা এসেছে, অনেক নতুন নতুন রোজগারের ধান্দা বেড়েছে যেমন মিনিবাস, জমিবাড়ী, টিভি সিরিয়াল, যেখানে সেখানে বর্ষার ফনফনে লাউডগার মতন বেড়ে ওঠা নানারকম খবরকাগজ আর কাগুজে ধান্দা কিম্বা একটু সাবঅলটান' লেভেলে গেলে— অলিতে গলিতে রোলার দোকান— ফাস্ট' ফুড কিংবা জাংক বাইট।

'জনগণ'-এর কি হয়েছে না হয়েছে ভেবে যারা খাবি খেত তারাও বুদ্ধিতে শিখেছে 'জনগণ' আসলে একটা এ্যাবস্ট্রাক্ট কনসেপ্ট। কিন্তু এমনকি 'জনগণও' যখন আসে সরকারী তাঁতমেলায় বা শাশার দোকানে অথেনটিসিটি বৃদ্ধির জন্য— তখনো কিন্তু মনে হয় না তারা সেইরকমের না খেতে পাওয়া খেতে খাওয়া জনতা যাদের বাচ্চাদের মাথাসরু পেটেমোটা ছবি 'হু'-র পোস্টারে শোভাবর্ধন করতে দেওয়া যায় কিম্বা যাদের কংকাল চেহারা নিয়ে 'দুর্ভিক্ষ সিরিজ'-এর একজিবিশন হতে পারে এ্যাকাডেমিতে। আর শোনা যায় না রাস্তায় রাস্তায় হারমোনিয়াম সহযোগে "মেদিনীপুরে মা বন্যা এসেছে"...। আসলে 'শ্রেণী' বা 'ক্লাস'-এর ধারণা তো— ফর এ্যানালিটিক্যাল কনভিনিয়েন্স। বিপ্লবের সময় যারা ছিল অত্যন্ত হরিজন অর্থাৎ যাদের খুঁনে কিম্বা সমাজবিরোধী আখ্যা দিয়ে নিষিদ্ধ করা হয়েছিল এখন সেটাই তাদের গর্বের কারণ— কে না জানে হরিজনদের দেশ ভারতবর্ষে এস-সি, এস-টি-দের আলাদা আদর। আর তাদের মধ্যে, যারা শুদ্ধরবার শুদ্ধরবার বের হওয়া গ্রিসি খবরকাগজের ভাষায় 'ক্রিম দ্য লা ক্রিম' তাদের সাগ্রহে টেনে নেয় এ্যামেরিকা-কানাডা কিম্বা জার্মানি। মাও পর্যন্ত বলছিলেন মাস প্রোডাকশন এবং টেকনোলজি যদি শিখতে চাও এ্যামেরিকার দিকে তাকাও। তারা জানে কি করে গুণগীর আদর করতে হয়। সেই সময় নিয়ে যেসব গল্প উপন্যাস লেখা হয়েছে চারদিকে স্বনামধন্য লেখকদের কলমে, বিশ্বখ্যাত পরিচালকদের ক্যামেরায়— ভাবতে গর্ব হয় তার নায়ক নায়িকারা অনেকেই আমার ছোটবেলার বন্ধু। বিশেষ করে ফিল্মের ব্যাপারে যে 'বুদ' হয়েছে, অবাক করে দেওয়ার মতন।

আগে অলিতে গলিতে চায়ের আড্ডায় পকেটে ঘুরন্ত মাও-এর লাল বই এখন ঘোরে ছবির স্ক্রিপ্ট। আমিও লিখে ফেলোছিলাম ওইরকম স্ক্রিপ্ট কিন্তু লাইন করতে পারিনি। কেউ কেউ বলতেন এইসব প্যারালেল ফিল্ম নিয়ে একটা ওয়াক'শপ হলে মন্দ হয় না— সেখানে এই বিকল্পছবির বা বিকলাঙ্গছবির ফোরওয়ার্ডদের মতখাশ একটানে খুলে দেওয়া যায়। যারা বলতেন তারা অবশ্য কেউ টাকা পায়নি ছবির জন্য। তবে এইসব ওয়াক'শপটপের একটা বেনিফিট হচ্ছে, ঠিকমতন ধোলাই লাগাতে পারলে ধোলাইকারীদের আপসে আপ খাতির করতে শুরুর করবে এন. এফ. ডি. সি. কিম্বা টিভি। অবশ্য অন্য নানা ধরনের ওয়াক'শপ বা সেমিনারে আমরা ডাক পড়তে শুরুর করে অথেনটিসিটি বৃদ্ধির জন্য। ওই শাশার দোকানের এথ'নিক লোকজনের

মতন আর কি। এমনি একদিন একটা জমজমাট সংস্কৃতিমেলায় শেষে ভোজনসভায় অকস্মাৎই দেখা হয়ে যায় মিতার সাথে। আরো সুন্দর লাগছে আগের চেয়ে। সেই প্রখর চোখ আর গোলাপী ঠোঁট— একাগ্র হয়ে চেয়ে দেখাছিল আমাকে। ও হাসে “কি চিনতেই পারছ না খেঁ একেবারে।” আমিও হাসলাম এই যেন কালকেই দেখা হয়েছিল এইরকম ভাবে। ভয়ে ভয়ে অবশ্য একবার চারদিকে চেয়ে নি। এটা সেই ডালহৌসির গোল গুদামঘরটা নয় তো! কোথাও তো ওয়াল পোস্টার নেই ঘন সবুজ জঙ্গলের কিম্বা নীলআকাশের ওপর দিয়ে উড়ে যাওয়া সাদা পাখীর। ঠিক আগের মতনই শাড়ী পরা পের্ণিচেয়ে। এতটুকু শরীর দেখা যায় না। ক্যানাডা থেকে ফিরে কি আরো কনজারভেটিভ হয়ে গেছে। “ওঃ আমার কতর সঙ্গে তোমার আলাপ করিয়ে দিই” (আঃ ‘কর্তা’ আবার কি কথা? শুনলে ‘মানসী’ পত্রিকার সম্পাদিকা ধরে ধোলাই দেবে না... ওই তো কাছে-পিঠেই আছে)। “যাবেন কিন্তু আমাদের বাড়ীতে, লাহিড়ীর কাছে আপনার কত গল্প শুনছি।” কাগজে ছবি ওঠা চেনা চেহারার স্মার্ট ভদ্রলোকটি আমার দিকে হাত বাড়ায়। আমার অস্বস্তি লাগে। দেশে ফিরে বোধহয় আই.আই.এম. টেম-এ জয়েন করেছে। কোথা থেকে সন্দীপ এসে হাজির হয়— চিলের মত ছোট্ট মেরে নিয়ে যায় আমাকে। কতদিন পরে দেখা— কতদিনের কথা— কতদিনের স্মৃতি যে জমা হয়ে গেছে। আমাকে রাশিয়ান ভোদকা খাওয়ান। কি ভয়ংকর কড়া। আমার খুশী খুশী লাগে। আবছা হয়ে আসছে আলোর জোলুশ। ওই তো আসছে সবাই আমার স্মৃতির এ্যালবাম থেকে। কেউ মাথায় চাঁটি লাগিয়ে যাচ্ছে, কেউ বা আদর করে পিঠে থপড়ে যাচ্ছে কেউ। আঙুল দিয়ে দেখাচ্ছে আমাকে পদ্মনো বন্ধুরা তাদের ছেলেমেয়েদের। আমি কি সাদা বাঘ নাকি? এসো এসো মা এদিকে আসছ না কেন? ক্রীমসন রং-এর স্কার্ট পরা মেয়েটা— সন্দীপের আন্ডারে সোসিওলজি নিয়ে রিসার্চ করছে, কি সুন্দর। আমাদের সম্মেলন মেয়েদের মতন ভারী গম্ভীর গম্ভীর ভাব নয় দেখো এখনো কত কাঁচি হয়ে আছে, কত ছোট্ট কত সুন্দর। সৌন্দর্যের ঢল নেমেছে যেন চারদিকে। তুমি তো বেজায় ভোঁদা হে! মানুষ কি দুঃসহ স্মৃতি নিয়ে আমরণ বেঁচে থাকে নাকি? কবে কি হয়েছিল ষাটের শেষ কি সত্তরের শুরুর তাই নিয়ে আজীবন অশোচ পালন করতে হবে? আমার চারদিক দুর্লভে থাকে, মাটি কেঁপে ওঠে। কানের কাছে কেউ দাড়ি নেড়ে বাগী শোনাতে আসছিল ‘দোজ হু ফরগেট দি পাস্ট আর কনডেমন্ড টু রি লিভ ইট’ আমি ল্যাথি মেরে সারিয়ে দিই। আরে দাড়ি নিয়ে জন্মগ্রহণ করেছ বলেই সব আপ্তবাক্য ঢকঢক করে গিলতে হবে নাকি? আশ্চর্য। সবগুলো দাড়িওয়ালা— কার্ল মার্কস, এঙ্গেলস থেকে শুরুর করে আমাদের খোদ রবিঠাকুর— যাবতীয় ধর্মের ঠাকুরদের তো বাদই দিলাম। আর দাড়ি থাকা মানেই পরমজ্ঞানের লক্ষণ নাকি? আসলে কি হয়েছিল সেই ত্রয়োদশ না চতুর্দশ লুই-এর আমলে? যখন ফ্রান্স-এর ব্যাপক প্রচলনে সবাই দাড়ি চাঁহতে শুরুর করেছিল। গ্রাম শহর উজাড় করে যাবতীয় সুন্দরীরা মিছিল করে হাজির হয়েছিল

দরবারে। দাড়ি উৎখাত হওয়ার ফলে নাকি চুম্বনের স্বাদ আর পাওয়া যাচ্ছে না।

হঁ হঁ, আমাকে দাড়ি দেখিও না, আসল খবর সব ফাঁস করে দেব। কিন্তু একি—পৃথিবীর যাবতীয় দাড়িওয়ালা স্ট্যাচুগুলো আমাকে তাড়া করছে কেন? আমি ছুটতে থাকি, ছুটতে ছুটতে চাঁট খুলে যায় আবার লাগাই। অনেকগুলো সন্ধ্যার দিনেছিল ওরা। কাগজগুলো টুকরো টুকরো করে দলা পাকিয়ে ছুঁড়ে মারি পেছনে। কেনা জানে ওই জ্ঞানীবৃন্দরা আসলে জ্ঞানী ভল্লুকের মতনই ডেঞ্জারাস। ওই একদলা কাগজ পেলেই নখ দিয়ে ছিঁড়ে ফালা ফালা করে দেখবে কি আছে ভেতরে, যতক্ষণ না পর্যন্ত দলা পাকিয়ে মণ্ড হয়ে যায়, আর ওই কাগজের দলা শাঁকলেই তাদের জ্বর আসে ঠিক একমিনিটের জন্য—জ্ঞানজ্বর বলা যায়। ততক্ষণে আমি ছুটে পালাতে থাকি আরো জোরে আরো জোরে যতক্ষণ না পর্যন্ত আমাদের পুরনো বাড়ীর সামনে হাজির হই। কোথায় সেই বাড়ী আর সবুজ শ্যাওলাধরা ছাত? এতো এক বিশাল মালিটস্টোরিড ফ্ল্যাট। দূর থেকে ক্যামেরা তাক করে থাকে একদল কাগজে জনতা। তারা খ্যাক্ খ্যাক্ করে হাসতে হাসতে বীভৎস শিকারের আনন্দে ছুটে আসে। বড়ো একটা দারোয়ান আমাকে পাজাকোলা করে পেছনের লিফটে নিয়ে যায়। “সোজা চলে যান বাবু টপফ্লোরে, টপফ্লোরে আর টপফ্লোরে উঠেই লিফটের গেট খুলে রাখবেন কিন্তু। আসছে ওরা আসছে।” ছাতের উপরের সুন্দর ফ্ল্যাটের দরজা খান্না দিয়ে খুলেই সোফার ওপর লুটিয়ে পড়ি। সামনেই শূভাশিস আর ক্যামেরা তাক্ করা দিলীপ। “শোন, আফটার অল আমরা তোমার ছোটবেলার বন্ধু। প্রথম ইন্টারভিউএর স্কুপটা কিন্তু আমরাই নেবো।” আমার ভয়ংকর আশ্চর্য লাগে। “কেন কি হয়েছে?” শূভাশিস হাসে “কেন তোমার প্রথম ছবিটা কান ফোর্স্টভালে ফাস্ট প্রাইজ পেয়েছে—খবরে শোননি।” আমি অজ্ঞান হয়ে পড়তে পড়তে দিলীপ ধরে ফেলে। “কিন্তু তুমি তো জানই শূভাশিস। ছবিটা আমার তৈরীই হয়নি, কেননা এন. এফ. ডি. সি. টাকা দেয়নি। র্যাকেট, সব র্যাকেট।”

শূভাশিস হাসে। “ইনকারিজবল র্যাকেট। জানিই তো। তাই আমরাও র্যাকেট করে তোমার না হওয়া ছবিটাকেই ফাস্ট প্রাইজ পাইয়ে দিলাম। এখন দয়া করে শূরু করতো।” আমি ছুটে যাই ছাতের দেওয়ালে। মুখ ঝুঁকে দেখি অনেক নীচে থিকথিক করছে ভীড়। আমি চীৎকার করে উঠি। শোন শোন, আমার একটা পার্চামিনিটের বক্তৃতা আছে শেষ দৃশ্যে। শোনই না। আরে গাধার দল, পার্চামিনিটের বক্তৃতা শোনানোর জন্য একটা আন্ত ছবি করতে হয়েছিল চ্যাপলিনকে সে খবর রাখিস? আরে সবাই উঠে চলে যাচ্ছে কেন? আমার বক্তৃতা তো এখনো শূরু হয়নি। শুনতে পাচ্ছ তোমরা?

হায় আমার গলা কি অতদূরে পৌঁছবে? □